



Co-funded by European Union



## PROJEKAT „LOKALNE RAZVOJNE STRATEGIJE – EU4BUSINESS“

### Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja)

Odgovori na postavljena pitanja u vezi javnog poziva koja su pristigla u periodu od 4. do 6. februara 2019. godine na email adresu [registry.ba@undp.org](mailto:registry.ba@undp.org).

Redni broj	Pitanje	Odgovor
1	Da li objekat kapaciteta 25 grla sa građevinskom dozvolom podliježe projektu sufinansiranja, ako taj postojeći objekat produžim i proširim kapacitet za još 25 grla? Da li za proširenje trebam dobiti građevinsku dozvolu da bi bili prihvatljivi troškovi?	Za svaku izgradnju objekata uključujući građenje, dogradnju, rekonstrukciju, sanaciju, odnosno adaptaciju objekata u skladu sa relevantnim zakonima kojim se uređuje planiranje i izgradnja, potrebna je građevinska dozvola da bi se prijava uzela u razmatranje u sklopu ovog javnog poziva.
2	Da li su prihvatljivi troškovi ako finansiram (40%), odnosno uvezem 20 visoko steonih junica?	Nabavka stoke je neprihvatljiv trošak i nije predmet finansiranja od strane projekta EU4Business. Samo finansiranje stavki iz liste prihvatljivih troškova i investicija spomenutih u tački 2.8.2. i u prilogu 5 ovog javnog poziva se mogu finansirati putem ovog javnog poziva.
3	Ako napravim objekat poluotvorenog tipa za mašine i smještaj hrane da li objekat mora posjedovati građevinsku dozvolu?	Ukoliko relevantni zakoni propisuju posjedovanje građevinske dozvole za navedeni tip objekta, onda podnositelj prijave mora postupiti u skladu sa zakonom. Možete se obratiti službenim organima na predmetnom lokalitetu radi daljnjih pojašnjenja (Odjel za urbanizam i sl.)

4	Da li je moguće aplicirati za kupovinu zemljišta?	Nije moguće prijaviti projekat za kupovinu zemljišta. Kupovina zemljišta spada među neprihvatljive troškove ili investicije, kako je navedeno u tački 2.8.3 ovog javnog poziva. Pogledajte listu prihvatljivih investicija u prilogu 5 ovog javnog poziva.
5	Da li je moguće aplicirati za nabavku dodatnih grla stoke?	Kupovina stoke ne spada u prihvatljive investicije. Pogledajte listu prihvatljivih investicija u prilogu 5 ovog javnog poziva.
6	Da li imate neku kontakt osobu s kojom bih mogao obaviti razgovor na području Mostara da nam dodatno pojasni neke stvari vezano za javni poziv.	Info sesija u Mostaru će se održati 20. februara 2019. godine. Detalji o adresi održavanja će biti objavljeni na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> .
7	Iznos sufinansiranja od strane UNDP-a je naveden u rasponu od 97,000 - 195,000 KM. Da li to znači da neće biti odobravani projekti koji zahtijevaju iznos sufinansiranja niži od 97,000 KM?	Projekat EU4Business neće razmatrati prijave koje zahtijevaju iznos sufinansiranja manji od 97,000 KM.
8	U segmentu proizvodnje mlijeka u listi prihvatljivih investicija za mjeru podrške poljoprivrednim gazdinstvima navedena su samo dva segmenta 2.1 Izgradnja i 2.2. Oprema, mašine i mehanizacija. Da li to znači da npr. nabavka životinja radi proširenja matičnog stada ili poboljšanja genetike nije predviđena za financiranje iz projektnih sredstava?	Da, nabavka stoke nije uključena u listu prihvatljivih investicija koje su predmet sufinansiranja od strane projekta EU4Business.
9	Imam 25 godina i bavim se tovom junadi. Imam registrovan poljoprivredni obrt na svoje ime već 3 godine. U obrtu imam 20 grla i planiram proširenje proizvodnje i kupovinu mehanizacije, uglavnom je to iz kreditnih sredstava. Ako bih kupio 25-30 grla (znači ukupno da imam 40-50 grla u tovu), traktor i neku mehanizaciju u iznosu od nekih 75,000 KM da li imam pravo aplikacije s tim da bih vjerovatno već sve platio i čekao refundaciju od vas (u slučaju da ispunjavam vaše uvjete). Datum kupovine bi bio unutar vremena prijave.	Traženi iznos sufinansiranja od projekta EU4Business mora biti najmanje 97,000 KM. Pored ovoga, nabavka stoke i traktora nije uključena u listu prihvatljivih troškova te se ne može finansirati putem ovog javnog poziva. Pogledajte tačku 2.6. <i>Dodjela finansijskih sredstava kroz javni poziv, iznos bespovratnih sredstava i udio sufinansiranja</i> , kao i prilog 5 <i>Lista prihvatljivih investicija</i> .

10	Zanima me pomoć od strane Federalnog ministarstva poljoprivrede ili ko mi može pomoći za tov junadi ili tov pilića.	Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) je objavljen 1. februara 2019. godine na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> , gdje se nalaze sve informacije u vezi procesa podnošenja prijava.
11	Ne mogu preuzeti dokumente za prijavu na konkurs za poljoprivredne projekte.	Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) je objavljen na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> . Ukoliko ste pristupili putem telefone na date stranice, moguće da imate poteškoća u preuzimanju dokumenata. Molimo vas da pokušate pristupiti putem računara.
12	Hoće li biti premija za mlijeko za 3 kvartal?	Molim vas da se obratite nadležnom entitetskom ministarstvu za poljoprivredu.
13	Naše poljoprivredno gazdinstvo je planiralo zasad 2 hektara voćnjaka u proljeće ove godine, s tim ako bi konkurisali i prošli druga polovina aprila bi nam bila kasno za sadnju. Da li postoji mogućnost da konkurišemo sa 3 ili 4 hektara voćnog zasada i da jedan dio počnemo sa sadnjom sada odmah nakon slanja dokumentacije za konkurs (krajem februara pošaljemo dokumentaciju i već polovinom marta da počnemo sa sadnjom, a da nam to uđe u program, bitno nam je da iskoristimo vrijeme, a i da ne gubimo godinu dana)? Ukoliko ne bi prošli vaš konkurs mi bi izgubili jednu godinu, a to je puno u voćarskoj proizvodnji. Naša ulaganja po hektaru su oko 11,500 KM i planiramo ako prođemo vaš konkurs da zasadimo do 4 hektara, a ako ne prođemo planiramo do 2 hektara. Podizanje voćnog zasada je limitirano površinom minimalno 2 hektara i ne odnosi se na iznos od 97,000 KM?	Minimalni iznos finansiranja od strane projekta EU4Business iznosi 97,000 KM, bez obzira da li imate 2 ha do maksimalno 100 ha voća (što su posebni kriteriji prihvatljivosti kod voćarstva), s time da vaš predloženi projekt mora biti ekonomski opravdan. Pored ovoga, troškovi i investicije koje mogu biti finansirane kroz ovaj javni poziv moraju nastati nakon potpisivanja ugovora, što u opisanoj situaciji neće biti slučaj. Također nabavka sadnica ne spada u listu prihvatljivih investicija.

<b>14</b>	Da li projekat može biti nabavka stoke?	Nabavku stoke nije moguće finansirati od strane projekta EU4Business i takva nabavka ne spada u listu prihvatljivih investicija.
<b>15</b>	Imamo problem sa preuzimanjem obrazaca. Da li nam možete poslati na e-mail?	Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) je objavljen na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> . Ukoliko ste pristupili putem telefone na date stranice, moguće da imate poteškoća u preuzimanju dokumenata. Molimo vas da pokušate pristupiti putem računara.
<b>16</b>	Zamolio bih za objašnjenje tačke 2.7.2. Da li se odnosi i na pravna lica (D.O.O)? Da li znači ako neki podnoscilac prijave obrađuje 120 hektara voća ili 120 hektara žitarica, da ne može učestvovati u dodjeli projekta?	U tački 2.7.2. su navedeni posebni prihvatljivi kriteriji za pod-sektore uključujući uzgoja voća. Podnoscilac prijave koji pripada pod-sektoru uzgoja voća mora imati prijavljeno u registru od minimalno 2 ha do maksimalno 100 ha i to se odnosi i na pravna lica, obrte/preduzetnike i fizička lica. Drugim riječima, sve prijave koje se odnose na proizvodnju veću od 100 ha, neće biti uzete u obzir.
<b>17</b>	Da li imam pravo apliciranja na ovaj javni poziv kao poduzetnica bez zaposlenih, sama radim (buregdžinica)?	Javni poziv se odnosi isključivo na primarnu poljoprivrednu proizvodnju
<b>18</b>	Molim vas da mi na email dostavite potrebna dokumenta za javni poziv.	Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) je objavljen na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> , gdje možete preuzeti potrebnu dokumentaciju za prijavu.
<b>19</b>	Molim Vas da mi odgovorite da li javne ustanove poput nacionalnih parkova mogu da se prijave na poziv kao aplikanti?	Javne ustanove nemaju pravo prijave na ovaj javni poziv.

20	Može li se aplicirati ako je iznos opreme manji od 97,000 KM?	Ne može. Minimalni iznos finansiranja od strane projekta EU4Business iznosi 97,000 KM.
21	Da li projekat obuhvata proizvodnju meda i proizvoda od meda?	Proizvodnja meda i proizvoda od meda ne spada među prihvatljive pod-sektore i projekat iz te oblasti ne može biti finansiran putem ovog javnog poziva.
22	Da li mogu da konkurišem na javni poziv za dobijanje jedne manje stolarske mašine, ali da ne dajem učešće?	Javni poziv se odnosi isključivo na primarnu poljoprivrednu proizvodnju.
23	Vezano za projekte, kako se može poslati dokumentacija i da li se ima pravo izgradnje objekta za bikove?	<p>U mjernicama za podnosiocima prijava na javni poziv u tački 3.2. <i>Način dostave prijave</i> je detaljno objašnjeno kako, na koju adresu i na koji način možete dostaviti prijavu. Prijave moraju biti dostavljene u zatvorenoj koverti preporučenom poštom, kurirskom poštom ili lično (potpisana i datirana potvrda će biti dodijeljena licu koje lično dostavi prijavu) na sljedeću adresu:</p> <p style="text-align: center;"><b>Razvojni program Ujedinjenih nacija (UNDP)</b>  <b>Projekat EU4Business</b>  <b>UN HOUSE</b>  <b>Zmaja od Bosne bb</b>  <b>71000 Sarajevo</b></p> <p>Imate pravo podnijeti prijavu za izgradnju objekta za bikove, uz poštivanje svih ostalih kriterija iz ovog javnog poziva.</p>
24	<p>Popunjavajući Vaše obrasce koje sam skinuo na linku koji mi je došao preko e-mail-a, uvidio sam da tabela „Prilog-2.a-Poslovni-plan-tabele“ koja je u Excelu ne radi onako kako bi trebala.</p> <p>Objašnjenje: Prilikom unosa elemenata, brojeva i drugog u kockice predviđene za iste, u daljim stranicama se ništa ne mijenja, tipa na „Novčani tok“ ili „Ukupni prihodi“ gdje bi trebalo da obračuna sve troškove ili ulog.</p>	Prilog 2 je postavljen u Excel tabelama bez formula. Svako podnosilac prijava samostalno treba da unese formule u tabele te provjeri njihovu tačnost. Također svaki podnosilac prijava može angažovati i konsultanta koji će im pomoći u izradi poslovnog plana.

25	Šta je potrebno za prijavu za proizvodnju mlijeka?	U Smjernicama za prijavu na javni poziv detaljno je obrazloženo koji su uslovi prijave. Možete prisustovati info sesijama koji će se organizirati u 14 općina i gradova u BiH. Informacija (mjesto, datum i vrijeme održavanja) o planiranim sesijama bit će objavljena na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> .
26	Kolika je najmanja vrijednost projekta?	Najmanja vrijednost projekta je 161,000 KM, od toga 60% će finansirati projekat EU4Business, a 40% korisnik. Predmet dodjele bespovratnih sredstava se odnosi isključivo na prihvatljive investicije i troškove.
27	Zainteresovan sam za vaš program. Imam 2 hektara obradive zemlje kraj Drine, dva šume i voćnjaka. Imam objekte preko 500 metara kvadratnih, sa infrastrukturom, vodom, putem itd. Imam tradicionalno iskustvo u gajenju domaćeg povrća i stoke. Molim detaljnije za apliciranje.	<p>Javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) je objavljen na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>, gdje možete preuzeti potrebnu dokumentaciju za prijavu.</p> <p>Možete prisustovati i info sesijama koji će se organizirati u 14 općina i gradova u BiH. Informacija (mjesto, datum i vrijeme održavanja) o planiranim sesijama bit će objavljena na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p>
28	Imam pitanje za ciljani pod sektor proizvodnje mesa, tovljenici svinja: Potencijalni korisnik je pravno lice i trenutno ima 120 rasplodnih krmača i sa projektom izgradnje objekta i nabavke opreme što predstavlja inovaciju na nivou BiH diže proizvodnju na 210 rasplodnih krmača u cilju bavljenja tovom što bi broj tovljenika na godišnjem nivou diglo sa 3000 komada na 5000 komada. Također potencijalni korisnik ima ratarsku proizvodnju na 300 ha zemljišta u koncesiji. Preduzeće ima godišnji promet oko 1 milion KM. Da li potencijalni korisnik zadovoljava posebne kriterije prihvatljivosti u podsektoru proizvodnja mesa?	Prihvatljivi podsektori su proizvodnja mesa (uključujući i tov svinja) i uzgoj žitarica i uljarica. Posebni kriterij za tov svinja je da na kraju investicije morate imati najmanje 200 tovljenika na svoje ime, a posebni kriterij za žitarice i uljarice da morate imati na stanju prilikom prijave od minimalno 30ha do maksimalno 100 ha žitarica i/ili uljarica. Kako je navedeno u javnom pozivu u tački 2.7.1 podnosilac prijave ima pravo da prijavi investiciju na samo jedan od prihvatljivih sektora.

<p><b>29</b></p>	<p>Pročitao sam javni poziv o finansiranju bespovratnih sredstava za podršku poljoprivrednim gazdinstvima. Nosilac sam poljoprivrednog gazdinstva koje posjeduje 8 hektara obradive površine u vlasništvu i 17 hektara pod zakupom. Trenutno u vlasništvu imam 20 grla (od teladi, bikova pa do krava). Posjedujem svu potrebnu poljoprivrednu mehanizaciju za obradu zemljišta. U planu imam proširivanje tova junadi (bikova) za oko 30 komada. Na imanju trenutno radimo supruga (1982. godišta) i ja (1977. godišta) sa svoje dvoje djece. Interesuje me, ako bi prošao konkurs, da li bi po završetku objekta u tih 20 grla koje sam obavezan da imam na svom imenu, mogu da se računaju grla koja su već na imanju ili sam ja obavezan da kupim dodatnih 20 grla?</p>	<p>Računa se i broj junadi koji već posjedujete. Međutim morate obratiti pažnju na ekonomsku opravdanost planirane investicije (uključujući vaš i projektni udio finansiranja) i morate uključiti sve troškove koji su nastali prilikom investicije (prihvatljive i neprihvatljive troškove). Nabavka dodatnih grla se ne može finansirati putem ovog javnog poziva.</p>
<p><b>30</b></p>	<p>Da li se na javni poziv mogu prijaviti poljoprivredna društva?</p>	<p>Pravna lica (d.o.o., d.d., a.d.), obrti/samostalni preduzetnici i fizička lica se mogu prijaviti na javni poziv, uz ispunjenost ostalih kriterija koja su detaljno navedena u javnom pozivu.</p>
<p><b>31</b></p>	<p>Bavimo se uzgojem jagodičastog i koštunjavog voća, odnosno voćnjak je u pitanju koji se bavi gajenjem i prodajom isključivo jabuka. Molimo vas da nam detaljno opišete kako da se prijavimo; poslovni planovi nam nisu jasni šta da navedemo.</p>	<p>Možete prisustovati info sesijama koji će se organizirati u 14 općina i gradova u BiH. Informacija (mjesto, datum i vrijeme održavanja) o planiranim sesijama bit će objavljena na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p> <p>Prilikom info sesije će se objasniti svi aspekti javnog poziva. Što se tiče poslovnog plana, ako nemate iskustva sa izradom sličnih, preporučujemo Vam da se obratite savjetodavcu ili konsultantu koji ima iskustva sa izradom poslovnih planova.</p>
<p><b>32</b></p>	<p>Da li je u okviru objavljenog poziva za podršku poljoprivrednim gazdinstvima, moguće aplicirati iz oblasti pčelarstva?</p>	<p>Pčelarstvo nije prihvatljiv pod-sektor po ovom javnom pozivu.</p>

33	<p>Da li se u projekat mogu navesti nedavno realizirane nabavke nove mehanizacije, ili sve u projektu mora biti navedeno po ponudama, to jest sa realizacijom nabavke po završetku natječaja?</p>	<p>Javni poziv za mjeru podrške poljoprivrednim gazdinstvima uzima u obzir isključivo troškove i investicije koje su nastale nakon potpisivanja ugovora, u slučaju da je podnosilac prijave odabran za dodjelu bespovratnih sredstava.</p>
34	<p>Imam površinu zemljišta od 3 hektara i od toga imam 10 % površine koju već obrađujem i sadim uglavnom bijeli luk, a nisam prijavljen u registar poljoprivrednih zemljišta. Da li imam šansu da prođem ili nemam?</p> <p>Zemljište se nalazi u Gacku i iznad 600 mnv. Imam još nekih dobrih preduslova, ali ova dva nemam.</p> <p>Plan mi je da proizvodim bijeli luk i od njega da pravim šampon za kosu.</p>	<p>Na ovaj javni poziv se mogu prijaviti samo fizička ili pravna lica koji su u Registru poljoprivrednih gazdinstava.</p> <p>Napomena: Fizičko lice koje želi da podnese prijavu na ovaj javni poziv mora pokrenuti proces registracije obrta ili preduzeća u toku trajanja javnog poziva te uz prijavu dostaviti i potvrdu od nadležnih službi da je proces registracije pravnog subjekta započet. U slučaju da projekat EU4Business odobri projektni prijedlog, Rješenje o registraciji obrta ili preduzeća treba biti dostavljeno najkasnije 30 dana od dana zvanične obavijesti o odobravanju bespovratne novčane podrške.</p>
35	<p>Bavim se proizvodnjom voća i stolnog grožđa ukupne površine 10 ha i interesuje me proširenje iste, s tim da bi kupio još 1 ha neobrađivog zemljišta i priveo ga kulturi. Interesuje me da li vaš projekat finansira ovakav oblik namjenske kupovine zemljišta i da li sufinansirate iste?</p>	<p>Projekat EU4Business ne može finansirati kupovinu zemljišta. Kupovina zemljišta spada među neprihvatljive troškove ili investicije, kako je navedeno u tački 2.8.3 ovog javnog poziva. Pogledajte listu prihvatljivih investicija u prilogu 5 ovog javnog poziva.</p>
36	<p>Zanima me informacija vezano za sufinansiranje i projekte vezano za bavljenje stočarstva konkretno proizvodnja ovčijeg mesa.</p>	<p>Pod-sektor stočarstva, bilo da se radi o proizvodnji mesa ili mlijeka, je prihvatljiv za finansiranje putem ovog javnog poziva. Potrebno je da pročitate smjernice za podnosiocima prijave kako bi se upoznali i sa ostalim kriterijima ovog javnog poziva.</p>
37	<p>Treba mi pomoć, posadio sam maline. Želim da ih proširim ali treba mi finansiranje. Imam 25 godina, trenutno sam nezaposlen. Svaka pomoć bi mi dobro došla pa čak i u mehanizaciji. Želim da se aktivno bavim malinom i da sijem preko 15 duluma maline.</p>	<p>Uzgoj voća i jagodičavog voća je prihvatljiv pod-sektor kako je navedeno u tački 2.7.2. U smjernicama za podnosiocima prijave možete pročitati koje uslove morate ispuniti.</p>

<p><b>38</b></p>	<p>Imam jedno pitanje i nisam siguran možete li mi vi odgovoriti obzirom da se tiče više različitih sektora, a ne samo primarne proizvodnje. Naime, naša tvrtka ima više segmenata koji će se financirati u projektima EU4Business jer se bavimo i primarnom poljoprivrednom proizvodnjom, prerađujemo proizvode životinjskog podrijetla i izvezno smo orijentirani, a od ove godine planiramo određene aktivnosti i u sektoru turizma pa nas zanima, obzirom da je tajming pojedinih projektnih aktivnosti raspoređen tijekom cijele godine, postoji li ograničenje sudjelovanja u različitim segmentima za jednog poslovnog subjekta, npr. ako bi aplicirali projekat u segmentu poljoprivredne proizvodnje koji bi bio odobren, da li nas to ograničava u sudjelovanju i realizaciji projekata u drugim oblastima ove ili sljedećih godina za koje također imamo interes?</p>	<p>Javni poziv se odnosi isključivo na primarnu poljoprivrednu proizvodnju i to na odabrane pod-sektore kako je navedeno u Smjernicama za podnositelje prijave. U drugoj polovici ove godine se planira objaviti javni poziv za mjeru ulaganja u preradu. Detaljni uslovi te mjere će biti detaljno definisani u smjernicama za potencijalne podnositelje prijave.</p> <p>Podnošenje prijave na ovaj javni poziv i eventualno dobivanje finansijske podrške Vas neće ograničiti u sljedećim javnim pozivima.</p> <p>Za sektor turizma i izvezno orijentisane sektore možete se javiti Deutsche Gesellschaft für Internationale Zusammenarbeit (GIZ) ili pratite njihove javne pozive.</p>
<p><b>39</b></p>	<p>Na koju adresu treba poslati prijavu na javni poziv?</p>	<p>U Smjernicama za podnositelje prijave na javni poziv u tački 3.2. Način dostave prijave je detaljno objašnjeno kako, na koju adresu i na koji način možete dostaviti prijavu. Prijave moraju biti dostavljene u zatvorenoj kovrti preporučenom poštom, kurirskom poštom ili lično (potpisana i datirana potvrda će biti dodijeljena licu koje lično dostavi prijavu) na sljedeću adresu:</p> <p style="text-align: center;"><b>Razvojni program Ujedinjenih nacija (UNDP)</b>  <b>Projekat EU4Business</b>  <b>UN HOUSE</b>  <b>Zmaja od Bosne bb</b>  <b>71000 Sarajevo</b></p>
<p><b>40</b></p>	<p>Zanima me da li je u iznos od 97,000 KM uključeno 40 % mog učešća ili se ono dodaje na taj iznos?</p>	<p>Iznos od 97,000 KM je minimalni iznos koji je predmet finansiranja od strane projekta EU4Business. U ovom slučaju, vaš udio od 40% će iznositi 64,000 KM i on se dodaje na iznos od 97,000KM tako da ukupna investicija iznosi 161,000 KM.</p>

<p><b>41</b></p>	<p>Radimo na porodičnom gazdinstvu (selo Gradišće) odnosno farmi namijenjenoj za tov junadi i proizvodnju mlijeka. U tom posjedu od 9 duluma se nalaze dva objekta dužine 33 i širine jedan 10 drugi 13 metara, obrađujemo nekih 15 hektara od kojih 4 hektara sijemo kukuruznu silažu, a ostatak su travne površine, znači možemo pripremiti sijeno i silažu za 15 do 20 krava i njihovu telad koju smo mislili ostavljati u tovu. Imamo svu mehanizaju za obradu zemlje traktore itd. Planirali smo napraviti izmužište i napraviti neke prepravke na štalama, prostor između objekata natkriti i samim tim prosiriti, nabaviti 10 do 15 krava i započeti proizvodnju mlijeka sa dobrim higijenskim uslovima.</p>	<p>U Smjernicama javnog poziva su detaljno opisani uslovi koji potencijalni podnosilac prijave mora ispuniti. Možete prisustovati info sesijama koji će se organizirati u 14 općina i gradova u BiH. Informacija (mjesto, datum i vrijeme održavanja) o planiranim sesijama bit će objavljena na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p>
<p><b>42</b></p>	<p>Molim Vas za pouzdanu informaciju da li mogu aplicirati na objavljeni javni poziv za potencijalne korisnike bespovratnih sredstava u okviru podrške poljoprivrednim gazdinstvima?</p> <p>Procitala sam uslove za aplikaciju na tom projektu, ispunjavam Vaše osnovne uvjete : ženska osoba, 30 godina starosti, sa invaliditetom. Međutim, zbunjuje me to što ste u daljnjim uslovima naveli da se projekat odnosi na uzgoj voca i povrca, vinove loze itd., a moj obrt je registrovan kao djelatnost Uzgoj pčelarstva i ukrasnog, aromatičnog bilja. Tu vrstu djelatnosti sam izabrala zbog najniže osnovice. Zanima me, da li će vrsta mog obrta predstavljati problem za apliciranje na ovaj javni poziv, mogu li pristupiti pozivu sa biznis planom?</p>	<p>Pčelarstvo, ljekobilje i aromatično bilje su neprihvatljivi pod-sektori te oni neće biti finansirani putem ovog javnog poziva. Za pokretanje obrta ili generalno podršku poduzetništvu se možete obratiti Međunarodnoj organizaciji rada (ILO) koja u sklopu ovog projekta podržava slične aktivnosti. Više informacija možete pronaći na <a href="https://eu4business.ba/poduzetnistvo/">https://eu4business.ba/poduzetnistvo/</a>.</p>
<p><b>43</b></p>	<p>Privredno društvo d.o.o. želi modernizacijom i uvođenjem nove tehnologije unaprijediti kvalitet rada.</p> <p>Planirana je nabavka opreme za proizvodnju vina.</p> <p>Da li je ova investicija prihvatljiva u okviru Poziva potencijalnim korisnicima bespovratnih sredstava za mjeru podrške poljoprivrednim gazdinstvima?</p>	<p>Javni poziv se isključivo odnosi na primarnu proizvodnju u odabranima pod-sektorima kako je navedeno u tački 2.7.2. Smjernica za podnošenje prijava.</p> <p>Javni poziv za preradu će biti objavljen u maju 2019. godine.</p>

<p><b>44</b></p>	<p>Mi smo tvrtka koja se bavi primarnom poljoprivrednom proizvodnjom (žitarice, uljarice i proizvodnja sjemena istih) i obrađujemo ukupno 870 hektara poljoprivrednog zemljišta u Odžaku. Od toga 55 hektara je u vlasništvu poljoprivrednika, a ostatak je zakup državnog poljoprivrednog zemljišta te zakup od fizičkih osoba.</p> <p>Budući da stalno investiramo u novu opremu i tehnologiju u proizvodnji i primarnoj preradi te u dodatno uređivanje poljoprivrednog zemljišta interesira nas možemo li se prijaviti na natječaj a u svezi ograničenja postavljenih na stranici 9 natječaja (od 30-100ha).</p>	<p>Posebni kriteriji prihvatljivosti za uzgoj žitarica i uljarica su navedeni u tački 2.7.2. Smjernica za prijavu na javni poziv, gdje stoji da podnosilac prijave mora imati minimalno 30 hektara do maksimalno 100 hektara zasada žitarica i/ili uljarica koji su prijavljeni u registru.</p> <p>Obzirom da se vjerovatno radi o firmi koja ostvaruje značajne prihode, obratite pažnju i na ostale uslove javnog poziva a posebno onaj koji se odnosi na maksimalne ostvarene prihode u 2018. godini (5 miliona KM).</p>
<p><b>45</b></p>	<p>Poštovani, unutar javnog poziva ima tekst u kojem je vidljiv dio o sufinansiranju i bankovnoj garanciji (2.6. Dodjela finansijskih sredstava kroz javni poziv, iznos bespovratnih sredstava i udio sufinasiranja): da li se plaća PDV, na koji iznos i tko?!</p>	<p>U slučaju ako ste odabrani za dodjelu bespovratnih sredstva, projekat poslije potpisivanje ugovora će Vam doznačiti tražena sredstva sa PDV-om na osnovu fakture koju ćete dostaviti i bankovne garancije u traženom iznosu sa PDV-om kako je zahtjevano u Smjernicama javnog poziva u tački 2.6.. Kad budete vršili nabavke, morate prikazati i plaćati iznos koji uključuje PDV.</p>
<p><b>46</b></p>	<p>Poljoprivredni sam proizvođač iz okoline Bijeljine, planirao sam ove godine nabavku opreme odnosno, ratarske prskalice i rasturača mineralnog đubriva. Inače se bavim primarnom proizvodnjom žitarica i uljarica. Ponuđena oprema (mehanizacija) koju sam planirao da nabavim košta cca 137,000 KM sa PDV-om. Proizvodnju zasnivam na površini od 139 ha registrovanih u Apif-u (registru poljoprivrednih gazdinstva). Od čega 95 ha pšenice, 17ha uljane repice. 26 ha soje i nešto kukuruza. Pitanja koja bih vam postavio su sljedeća:</p> <p>Da li se kod ocjenjivanja ponuda isključuje potencijalni korisnik ako ima više od 100 ha sve ukupno ili se žitarice i uljarice tretiraju odvojeno?</p> <p>Da li 60 % potencijalnih sredstava mora da iznosi minimalno 97,500 KM ili može i manje?</p>	<p>Posebni kriteriji prihvatljivosti za uzgoj žitarica i uljarica su navedeni u tački 2.7.2. Smjernica za prijavu na javni poziv, gdje stoji da podnosilac prijave mora imati minimalno 30 hektara do maksimalno 100 hektara zasada žitarica i/ili uljarica koji su prijavljeni u registru.</p> <p>Minimalni iznos koji je moguće finansirati putem projekta EU4Business je 97,000 KM.</p>

<p><b>47</b></p>	<p>Smatra li se prihvatljivom prijava na navedeni javni poziv od strane dva nekomercijalna poljoprivredna gazdinstva kada imaju suvlasništvo nad zemljištem 1/2 za izgradnju objekata za skladištenje lješnjaka, uključujući i prostore za sortiranje, pakovanje i obilježavanje. Obrazloženje: Veličina posjeda na kome se podiže (djelimično već zasađeno oko 8 hektara lješnjaka i u pripremi još oko 12 hektara za jesenju sadnju) zasad lješnjaka je bliže 20 hektara. Ukupna površina je u suvlasništvu nosilaca nekomercijalnih poljoprivrednih gazdinstava u dijelu 1/2. U namjeri smo da podnesemo pojedinačne zahtjeve sa istom projektnom dokumentacijom i ostalim dokumentima koji se zahtijevaju.</p>	<p>Kolektivna prijava se ne može uzimati u obzir kako je navedeno u Smjernicama javnog poziva u tački 2.1.</p>
<p><b>48</b></p>	<p>Mi smo poljoprivredno gazdinstvo koje se bavi proizvodnjom tovnihi pilića i proizvodnjom žitarica (kukuruz, pšenice i uljane repice). Interesuje nas za koje se dijelove odnosi vaš projekat podrške konkretno, da li za nabavku novih traktora i mehanizacije, i da li za izgradnju novih objekata ili samo za opremanje postojećih objekata?</p>	<p>Prihvatljive investicije se odnose na:</p> <p>i) Izgradnju objekata što podrazumijeva izgradnju, građenje, dogradnju, rekonstrukciju, sanaciju, odnosno adaptaciju objekata u skladu sa relevantnim zakonima kojima se uređuje planiranje i izgradnja.</p> <p>ii) Nabavka opreme i mehanizacije, osim traktora.</p> <p>Za detaljne informacije pogledajte tačku 2.8.1. i tačku 2.8.2, kao i prilog 5 u Smjernicama za podnosioc prijava.</p>
<p><b>49</b></p>	<p>Da li na ovaj javni poziv mogu da apliciraju pčelinja gazdinstva/obrti/udruženja (s obzirom na to da je i pčelarstvo dio poljoprivrede), koja žele da uvedu inovativna IT rješenja te koja bi izvršila zaposlenje nekoliko ljudi te angažovali spoljne saradnike - IT stručnjake?</p>	<p>Pčelarstvo nije prihvatljiv pod-sektor po ovom javnom pozivu, kako je navedeno u tački 2.7.2. Smjernica za podnosioc prijava.</p>

<p><b>50</b></p>	<p>Prema navedenom: "Prihvatljivi podnosioci prijava za dodjelu bespovratnih sredstava u okviru mjere podrške poljoprivrednim gazdinstvima mogu biti fizička lica, obrti/preduzetnici, zadruge i preduzeća koja se bave poljoprivrednom proizvodnjom u pod-sektorima uzgoj voća, uzgoj povrća, uzgoj vinove loze, proizvodnja mesa, proizvodnja mlijeka, uzgoj žitarica i uljarica..."</p> <p>Javni poziv očigledno izuzima uzgajivače gljiva (jestivih pečurki).</p> <p>Da li je selekcija u podsektorima konačna, odnosno da li je ipak ostavljena mogućnost podsticaja i za bh. gljivare?</p>	<p>Uzgoj gljiva je neprihvatljiv pod-sektor kako je navedeno u Smjernicama za podnosiocima prijava u tački 2.7.2.</p>
------------------	--	---

**Odgovori na postavljena pitanja u vezi javnog poziva koja su pristigla u periodu od 7. do 13. februara 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
<p><b>1</b></p>	<p>Da li mogu da konkurisem kao fizičko lice za proizvodnju mesa i mlijeka? Htio bih da uložim u izgradnju objekta za proizvodnju tovnih bikova i krava muzara.</p>	<p>Kao fizičko lice možete se prijaviti ako budete ispunili i opće kriterije koje dodatno moraju ispuniti podnosioci prijava koji su fizička lica, kako je navedeno u tački 2.7.1. Smjernica javnog poziva. Svaki podnosilac prijave ima pravo da se javi samo na jedan pod-sektor kako je navedeno u tački 2.7.1. Opći kriteriji koji važe za sve podnosiocima prijava.</p>
<p><b>2</b></p>	<p>Bavimo se proizvodnjom meda i pčelinjih proizvoda. Imamo pokretne i stacionirane pčelinjake cca 250-300 LR košnica. Interesuje me da li je ovaj vid proizvodnje slučajno izostavljen iz ovog Javnog poziva ili ne podliježemo istom.</p>	<p>Pčelarstvo nije prihvatljiv pod-sektor po ovom javnom pozivu, kako je navedeno u tački 2.7.2. Smjernica za podnosiocima prijava.</p>
<p><b>3</b></p>	<p>U vezi javnog poziva za poljoprivrednike za 2019. godinu da li na poziv mogu aplicirati svi voćari, da li u to spadaju malinari, jer piše na pozivu voćari i oni koji uzgajaju vinovu lozu itd.?</p>	<p>Proizvođači jagodastog voća mogu se prijaviti na javni poziv kako je navedeno u smjernicama u tački 2.7.2., ali moraju imati registrovanu proizvodnju od minimalno 1 ha do maksimalno 15 ha zasada jagodastog voća.</p>

4	<p>Registrovani smo kao pravni subjekt (d.o.o.) u Bosni i Hercegovini od 2014. godine. Bavimo se proizvodnjom i preradom ljekovitog i aromatičnog bilja. Imamo pet stotina kooperanata sa poljoprivrednih gospodarstava, stoga nam je cilj održati postojeću proizvodnju, pa nas interesuje:</p> <ul style="list-style-type: none"> <li>- da li je prihvatljiv projekat za podizanje nasada (plantaže) biljke lovor (za proizvodnju lista i eteričnog ulja),</li> <li>- da li je prihvatljiv projekat za proizvodnju energije iz obnovljivih izvora energije (solarni paneli) za korištenje el.energije za vlastitu proizvodnju i prodaju el. energije na distribucijsku mrežu,</li> <li>- podizanje nasada divljeg šipka, ugradnju vage za kamione, kao i nabavku mehanizacije za preradu.</li> </ul>	<p>Ljekovito i aromatično bilje nije prihvatljiv pod-sektor kako je navedeno u tački 2.7.2. Posebni kriteriji prihvatljivosti podnosilaca prijava (prema ciljanim pod-sektorima).</p> <p>Projekat za proizvodnju energije iz obnovljivih izvora jeste prihvatljiv ukoliko se koristi za napajanje proizvodnje koja spada u prihvatljive pod-sektore.</p> <p>Podizanje zasada divljeg šipka nije prihvatljiv pod-sektor po ovom javnom pozivu.</p>
5	<p>Vlasnik sam i odgovorno lice za RPBG. Firma se ne bavi proizvodnjom direktno, nego ima svoje kooperante za BIO proizvodnju maline, a time i važeći certifikat. Šifra djelatnosti je 10.39. i proizvodnju ostvarujemo preko kooperanata uključujući i moje RPBG.</p> <p>1. Da li se iz projekta može finansirati traktor od cca 50 KS za brdske terene sa priključcima za obradu tla i održavanje i zaštitu malina (plugovi, freze, malčeri, kosilice, utovarivač stajnjaka, prskalice i slično).</p> <p>2. Da li se iz projekta može finansirati teretno vozilo "C" kategorije-specijalno hladnjača, za prevoz i dostavu malina kako svježih tako i smrznutih.</p>	<p>Pravno lice koje se ne bavi primarnom poljoprivrednom proizvodnjom i nije upisan u registar poljoprivrednih gazdinstva ne može se prijaviti na javni poziv, kako je navedeno u Smjernica za podnosiocima prijava u tački 2.7.1.</p> <p>Traktor i teretno vozilo C kategorije nisu prihvatljive investicije, kako je navedeno u listi prihvatljivih investicija u prilogu 5. Smjernica javnog poziva.</p>
6	<p>Da li se ovaj javni poziv odnosi i na one pravne osobe koje su se nedavno osnovale i još nisu vršile nikakva poslovanja, nego se tek namjeravaju baviti proizvodnjom mlijeka?</p> <p>Da li nabavka koza (matičnog stada) spada u prihvatljive investicije?</p>	<p>Javni poziv se odnosi i na ona pravna lica koja su tek počela ili će se početi baviti primarnom poljoprivrednom proizvodnjom, ali će se morati registrirati u Registar poljoprivrednih gazdinstva i ispuniti ostale uslove date u smjernicama javnog poziva.</p> <p>Nabavka stoke ili matičnog stada je neprihvatljiva investicija. Za više informacija o prihvatljivim investicijama pogledajte prilog 5. Lista prihvatljivih investicija u Smjernicama javnog poziva.</p>

7	<p>U pozivu piše da iznos bespovratnih sredstava po jednoj prijavi iznosi od 97,000 KM do 195,000 KM, bez PDV-a. Da li to znači da se poziv odnosi samo na investicije čija je najmanja ukupna vrijednost 161,666 KM, bez PDV-a? Jer ako najmanji iznos predstavlja 97,000 KM i to predstavlja 60 % vrijednosti investicije dolazi se do tog zaključka. I da li to znači da ako imam ostale potrebne uslove, a želim da ostvarim investiciju ukupne vrijednosti 50,000 KM, da ne mogu aplicirati za vaš projekat? Zatim me zanima oprema za hlađenje navedena u listi prihvatljivih investicija za mjeru podrške poljoprivrednim gazdinstvima, pod brojem 1.3.3., koja je sadržana u istom pozivu. Da li se ta oprema može odnositi i na sisteme za hlađenje voćnog kljuka koji fermentiše, tj. na sisteme za fermentaciju voćnih sirovina koji imaju integrisano hlađenje?</p>	<p>Iznos traženih sredstva od projekta ne može biti manji od 97,000 KM ni veći od 195,000 KM, kako je navedeno u Smjernicama javnog poziva u tački 2.6. Dodjela finansijskih sredstava kroz javni poziv, iznos bespovratnih sredstava i udio sufinansiranja. Predložena oprema za hlađenje u prilogu 5. Lista prihvatljivih investicija za mjeru podrške poljoprivrednim gazdinstvima se odnosi na hlađenje i čuvanje svježih proizvoda, a ne hlađenje prerađenih poljoprivrednih proizvoda.</p>
8	<p>Da li imate kontakt broj da vas nazovem da porazgovaramo, da vidim da li ja imam pravo na ovu prijavu. Imao sam mlin za proizvodnju brašna T-400 i T-500, zbog premalo posla bio sam prisiljen odjaviti obrt prije 2 godine. Sada bi radio jedan objekat oko 200 kvadrata, u njemu bi bila pekara i slastičarna, ali isključivo od domaćih proizvoda od domaćih pšenica sa naših područja, gdje bi mljeo u svom mlinu koji bi ponovo aktiviro, brašno iz mlina u pekaru i slastičarnu. Da li na taj projekat koji sam zamislio spadam u ovu grupu za prijavu?</p>	<p>Javni poziv se odnosi isključivo na primarnu poljoprivrednu proizvodnju. Polovinom 2019. godine se planira objaviti javni poziv za mjeru podrške preradi. Pratite objave na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> gdje ćete moći dobiti više informacija.</p>
9	<p>Dostavljen samo popunjen prijavni obrazac (nabavka sadilica rasade na foliju FTM 1, sijačica sitnog sjemena u kontejnere i željezo od 1col za platenik).</p>	<p>Potpuna prijava se sastoji od prijavnog obrazca, tražene prateće dokumentacije uključujući i poslovni plan. Sadržaj prijave i način dostavljanja je detaljno objašnjeno u Smjernicama javnog poziva u tački 3. Način podnošenja prijave i njihovo ocjenjivanje.</p>
10	<p>Raspisali ste javni poziv za primarnu proizvodnju - EU4Business. Pročitala sam kriterijume pa me zanima ako možete da mi kažete da li će sektor ljekovitog bilja biti podržan u narednim lotovima ili ovaj sektor nećete uopšte podržavati?</p>	<p>U ovom javnom pozivu pod-sektor ljekobilja nije prihvatljiv za finansiranje kroz ovaj projekat. Za drugu i treću mjeru će se sredinom i u jesen 2019. godine definisati prihvatljivi pod-sektori.</p>

<p><b>11</b></p>	<p>Interesuje me da li prihvatate projekte koji su ispod naznačene vrijednosti u javnom pozivu? U ovom konkretnom slučaju vrijednost projekta bi okvirno bila 60,000 KM bez PDV-a.</p> <p>Komercijalno poljoprivredno gazdinstvo se bavi proizvodnjom pilećeg mesa kapaciteta 12 000 brojlera u turnusu. Ciljevi projekta bi bili sljedeći: modernizacija proizvodnje, povećanje produktivnosti, veća energetska efikasnost, povećanje bezbjednosti poslovanja.</p> <p>Investicija bi se odnosila na izradu novog krova (s obzirom da su na postojećem štetne azbestne ploče), nabavku nove peći za centralno grijanje, nabavka novog agregata, rješavanje otpadnih voda i kišnice, nove elektro instalacije.</p>	<p>Projekt EU4Business neće razmatrati prijave gdje je iznos investicije manji od 161,000 KM (projektno finansiranje minimalno 97,000 KM, a sufinsiranje podnosioca prijave 64,000 KM). Vaše predložene investicije uključujući zamjena krova, nabavka peći za centralno grijanje, agregat, rješenje otpadnih voda i kišnice, kao i elektro radovi su prihvatljive investicije u skladu sa tačkom 2.8.2. i prilogom 5. Smjernica javnog poziva.</p>
<p><b>12</b></p>	<p>Mi smo poduzeće XXX (ime poznato UNDP-u) koje se bavi uzgojem tovnih goveda. Već posjedujemo štale određenog kapaciteta, te planiramo proširenje. U tijeku nam je izrada projektne dokumentacije, te nas zanima moramo li imati građevinsku dozvolu za planirani objekt do datuma slanja dokumentacije 27.03.2019. ili do eventualnog odobrenja projektnoga prijedloga i potpisivanja ugovora.</p> <p>Odnosno, bi li mogli do 27.03. poslati potvrdu ili zahtjev za izdavanje dozvole kao dokaz, a dozvolu do eventualnog potpisivanja Ugovora?</p>	<p>Kako je navedeno u Smjernicama javnog poziva u:</p> <ul style="list-style-type: none"> <li>- tački 2.7.1 Opći kriteriji prihvatljivosti podnosioca prijava da objekat koji je predmet investicije ili u koji će se instalirati planirana oprema posjeduje važeću građevinsku dozvolu izdatu od nadležnih organa u FBiH, RS i BD BiH (dokaz: dostavljena važeća građevinska dozvola);</li> <li>- u tački 3.1 Potrebna dokumentacija podnosilac prijave mora dostaviti uz prijavu važeću trajnu ili privremenu građevinsku dozvolu za projekte koji uključuju građevinske radove - ukoliko je relevantno – ovjerena kopija.</li> </ul> <p>Napomena: podnosilac prijave ne može slati potvrdu ili zahtjev za izdavanje građevinske dozvole uz prijavu, a dostaviti građevinsku dozvolu poslije datuma podnošenja prijave (koji je najkasnije do 27.03.2019). Međutim, preduzeće bi moglo da podnese prijavu za neke druge investicije (npr. opremu) koju će moći iskoristiti u svrhu proširenja kapaciteta.</p>
<p><b>13</b></p>	<p>Imam sve uvjete za proizvodnju mesa, štalu od 1500 kvadrata kuću i zemlju. Nabavio bih 1000 ovaca za koje su mi potrebna sredstva. Da li mogu očekivati vašu potporu?</p>	<p>Nabavku stoke nije moguće finansirati od strane projekta, jer ne spada u prihvatljive investicije navedenih u prilogu 5. Smjernica javnog poziva.</p>

14	Bavim se proizvodnjom proizvoda od vrbovog pruća. 90% izvozim u EU i planiram proširenje kooperantske mreže tj. imam potrebu za radnicima. Da li mogu konkurisati na ovaj poziv?	Proizvodnja proizvoda od vrbovog pruća nije prihvatljiv pod-sektor kako je navedeno u tački 2.7.2. Smjernica javnog poziva.
15	Bavim se poljoprivredom i imam registrirano gazdinstvo vec 3 godine. Zanima me kako dolazim do bespovratnih sredstava kad obezbijedimo 40% novčanih sredstava. I šta nam je garancija da ćemo dobiti bespovratna sredstva.	Ako ispunjavate sve uslove i kriterije navedene u Smjernicama možete se prijaviti na javni poziv. S obzirom da je u pitanju konkurentni javni poziv na koji se mogu prijaviti sva gazdinstva iz Bosne i Hercegovine, niko vam ne može garantovati da će vaš projekat biti odabran za dodjelu bespovratnih sredstava. Predložili bismo Vam da podnesete što je moguće kvalitetniju prijavu jer je to jedini način da istu uzmemo u razmatranje.
16	Da li može da se aplicira za nabavku mašina?	Niste naveli koju mašinu želite nabaviti. U prilogu 5. Smjernica javnog poziva se nalazi lista prihvatljivih investicija po pod-sektorima, pa pogledajte da li se mašina koju imate namjeru nabaviti nalazi na listi. Ukoliko se ne nalazi, ista nije prihvatljiva za finansiranje od strane projekta EU4Business.
17	Na Vašem sajtu sam čitao pravilnik o ostvarivanju podsticaja za primarnu poljoprivrednu proizvodnju. Pošto je minimalan iznos za konkurisanje, kako sam razumio, 97,000 KM da li mi kao manja poljoprivredna gazdinstva koja u vrijednost od 40% ne možemo investirati više od 5-10,000 KM imamo pravo da konkurišemo za ovaj projekat? Naši poljoprivrednici su većinom siromašni i nisu u mogućnosti da velika sredstva investiraju.	Iznos od 97,000 KM je minimalni iznos koji je predmet finansiranja od strane projekta. Nije moguće podnijeti prijavu koja se odnosi na manji iznos bespovratnih sredstava od minimalno definisanog u Smjernicama javnog poziva.
18	Obraćam Vam se u vezi Javnog poziva potencijalnim korisnicima bespovratnih sredstava za mjeru podrške poljoprivrednim gazdinstvima. Zanima me da li se na isti mogu prijaviti i proizvođači gljiva kao poljoprivredno gazdinstvo ili kao pravno lice?	Pod-sektor proizvodnje gljiva nije prihvatljiv pod-sektor. Podnosioci prijave iz ovog pod-sektora se ne mogu prijaviti na javni poziv. Prihvatljivi pod-sektori su definisani u tački 2.7.2. Smjernica javnog poziva.
19	Da li se bespovratna sredstva odnose i na pčelarstvo? Naime, ja bih htio prijaviti kao fizičko lice svoj projekat vezan za pčelarstvo, da li mogu to uraditi?	Pčelarstvo nije prihvatljiv pod-sektor po ovom javnom pozivu.

20	<p>Ja se bavim proizvodnjom i preradom voća na svom gazdinstvu. Sada bih htio da unaprijedim preradu, tj. da izgradim objekat za destilaciju voćnih rakija. Da li moja djelatnost spada u ovaj poziv i ako ne, da li će biti nešto u narednom periodu?</p>	<p>Javni poziv za mjeru podrške poljoprivrednim gazdinstvima se odnosi isključivo za primarnu proizvodnju. Sredinom 2019. godine će biti objavljen javni poziv za mjeru podrške preradi.</p>
21	<p>Molim vas za informaciju vezano za Projekat "Konkurentnost i inovacije: Lokalne razvojne strategije EU4Business". Naime, u dijelu " Opći kriteriji koje dodatno moraju ispuniti podnosioci prijava koji spadaju u kategoriju obrta/poduzetnika, preduzeća ili zadruga" stoji da na javni poziv mogu aplicirati samo preduzeća sa godišnjim prihodom manjim od 5 miliona KM. Je li ovo eliminacioni kriterij? Naša firma ima preko 600 zaposlenih, tako da mi uveliko premašujemo ovu cifru.</p>	<p>U posebnim općim kriterijima u tački 2.7.1. koji se odnose na obrt-preduzetnik, preduzeće i zadruga za bespovratna sredstva se mogu prijaviti samo subjekti iz pomenute kategorije koji imaju manji godišnji prihod od 5 miliona KM u 2018. godini. Ukoliko firma ima veći godišnji prihod od navedenog to će rezultirati isključenjem predloženog investicionog projekta iz daljnjeg ocjenjivanja.</p>
22	<p>Registrovan sam kao fizičko lice tj. poljoprivredno gazdinstvo. Zanima me šta znači termin 60 posto "sufinansiranje kroz mjere podrške" i na šta se konkretno misli, da li su to računi itd.?</p>	<p>60% sufinansiranja ili finansiranje od projekta je udio sredstava koji će projekat EU4Business dodijeliti korisniku u slučaju ako je odabran za finansiranje. U tački 2.6. je navedeno da bespovratna sredstva po jednoj prijavi mogu iznositi od 97,000 KM do maksimalno 195,000 KM (bez PDV-a). Ovaj iznos predstavlja udio EU4Business projekta u finansiranju (60%). Za svaki projekat podnosilac prijave mora osigurati vlastito sufinansiranje u iznosu od minimalno 40% ukupnog iznosa predložene investicije (40% sufinansiranje podnosioca prijave i 60% sufinansiranje kroz mjeru podrške).</p>
23	<p>Da li zemljište na kojem želimo graditi npr. plastenik, mora biti u vlasništvu firme ili je dovoljno da ima ugovor na duži vremenski period (5-10 godina)?</p>	<p>Možete se prijaviti samo sa površinama zemljišta koje je uvedeno u registar gazdinstva. Možete na osnovu ugovora o zakupu prijaviti zakupljeno zemljište i tim ažurirati podatke vašeg gazdinstva u Registru poljoprivrednih gazdinstva. Kao što je navedeno u Smjernicama javnog poziva u tački 2.7.1. objekat ili zemljište na kojem će se investicija realizovati je u vlasništvu podnosioca prijave ili podnosilac prijave posjeduje koncesiju ili ugovor o korištenju od najmanje 10 godina.</p>
24	<p>Imam poljoprivredno gazdinstvo i bavim se voćarstvom. Da bih mogao da uspješno sve to obavljam potrebna mi je pomoć. Potrebna mi je sušara i prskalica za voće. Kako bih mogao to da dobijem, ako je moguće? Pod kojim uslovima?</p>	<p>Javni poziv se odnosi samo na primarnu proizvodnju. Prskalica je prihvatljiva investicija, a sušara za voće nije prihvatljiva investicija u skladu sa prilogom 5. Smjernica javnog poziva. Pored toga, sušara pripada mjeri podrške prerade i marketinga, koja se planira objaviti sredinom 2019. godine.</p>

<p><b>25</b></p>	<p>Ciljani pod sektor proizvodnja mesa: Potencijalni korisnik želi da konkuriše u pod-sektoru proizvodnje mesa za koje ispunjava sve uslove, ali ima proizvodnju žitarica veću od 100 ha. Da li potencijalni korisnik zadovoljava posebne kriterije prihvatljivosti u pod sektoru proizvodnja mesa?</p>	<p>Podnosilac prijave može podnijeti prijavu samo na jedan pod-sektor gdje treba ispuniti opće i posebne kriterije, kao i ostale uslove koji su navedeni u Smjernicama javnog poziva. Posebni kriteriji prihvatljivosti podnosilaca prijava su podijeljeni po pod-sektorima u kojim podnosioci prijave djeluju te se smatraju eliminacionim kriterijima. Ako ispunjavate kriterije u pod-sektoru proizvodnje mesa možete podnijeti prijavu koja se odnosi na pomenuti pod-sektor i neće biti eliminacioni kriterij zasadi žitarica veći od 100 ha, jer kao što je navedeno vaša prijava se odnosi na proizvodnju mesa.</p>
<p><b>26</b></p>	<p>Prisustvovao sam informativnom sastanku koji ste organizovali u okviru mjera podrške poljoprivrednim gazdinstvima. Imam jednu nedoumicu, odnosno pitanje kada je u pitanju voćarska proizvodnja. Kada se misli o ograničenju površine zasada voća od minimalno 1ha, da li se može aplicirati u situaciji kada se posjeduje više od jednog ha jagodastog voća ali su u pitanju dvije kulture, odnosno voćne vrste? Naime, radi se o tome da posjedujem 0,6ha ribizle i 0,6ha aronije. Pojedinačno po vrstama ne ispunjavam kriterije za aplikaciju, ali ako se u obzir uzme cjelokupna površina pod ove dvije kulture, u tom slučaju ispunjavam taj kriteriji.</p>	<p>Kao što je navedeno u tački 2.7.2. podnesena prijava će biti uzeta u obzir ukoliko podnosilac prijave posjeduje na svoje ime od minimalno 1 ha do maksimalno 15 ha zasada jagodastog voća i vi možete aplicirati, jer se uzima u obzir cjelokupna površina zasada jagodičastog voća, bez obzira na broj kultura.</p>
<p><b>27</b></p>	<p>Da li je moguće aplicirati na javni poziv za kupovinu izgrađenog skladišnog prostora za žitarice?</p>	<p>Kupovina objekata se ne može finansirati putem ovog javnog poziva. Izgradnja silosa i nabavka prateće opreme su prihvatljiva investicija u skladu sa prilogom 5. Smjernica javnog poziv, pod-sektor žitarica i uljarica.</p>
<p><b>28</b></p>	<p>Da li je uz prijavu na javni poziv obavezno priložiti prilog 2a Poslovni plan tabele u Excelu ili je dovoljno samo priložiti prilog 2 sa popunjenim obrascima i tabelama?</p>	<p>Uz prijavu treba priložiti opisni plan i tabelu u Excelu, kao i ostala dokumenta kako je navedeno u tački 3.1. Potrebna dokumentacija.</p>
<p><b>29</b></p>	<p>Da li je moguće aplicirati na javni poziv za kupovinu izgrađenog skladišnog prostora za žitarice?</p>	<p>Kupovina zemljišta i izgrađenih objekata nisu prihvatljivi troškovi i investicije u skladu sa tačkom 2.8.3. Smjernica javnog poziva i sa tom investicijom se ne možete prijaviti na javni poziv.</p>

<p><b>30</b></p>	<p>U namjeri sam da u skorije vrijeme podignem višegodisnji zasad oraha na parceli u okolini Bijeljine. Radi se o parceli za početak veličine 1 hektar. Ja sam vlasnik parcele. Planiram nabaviti opremu i izvršiti radove: -tokom ljeta 2018. pripremiti parcelu, duboko oranje, podrivanje zemljišta, analizu zemljišta, đubrenje, hemijski tretmani itd. -izvršiti nabavku certifikovane sorte sadnica oraha, gdje očekujem stručnu podršku od prodavca sadnica tokom jeseni 2019., -izvršiti sađenje sadnica po upustu i planu koji bi obezbedio, -izvršiti početne hemijske tretmane, te orezivanje tek zasađenih sadnica, -nabaviti sistem za zalijevanje, na parceli imam izvor vode tj. bunar koji bi eventualno produbio i prilagodio, -ograding parcelu u cilju zaštite od životinja i neovlaštenog pristupa, -nabaviti nekoliko mašina za obradu međurednog prostora, tačnije košenje, freziranje. -nabaviti prskalicu za hemijski tretman voćki, -nabaviti eventualno i mašinu za kasnije mašinsko orezivanje stabala. Na koji način mogu da ostvarim učešće u pomenutom programu?</p>	<p>U skladu sa tačkom 2.7.2. Smjernica javnog poziva morate imati u registru prilikom podnošenja prijave od minimalno 2 ha do 100 ha zasada voća (trenutno stanje). Vi ste naveli u vašem pitanju da tek u jesen 2019. planirate zasaditi orah, samim tim Vi ne ispunjavate kriterije za prijavu na ovaj javni poziv.</p>
<p><b>31</b></p>	<p>Može li jedinica lokalne samouprave aplicirati? Ako može, na koji način?</p>	<p>Jednice lokalne samouprave ne mogu se prijaviti na javni poziv za mjeru podrške poljoprivrednim gazdinstvima. Jedinice lokalne samouprave će imati priliku da učestvuju u planiranoj mjeri koja se odnosi na investicije u provedbi lokalnih razvojnih strategija u partnerstvu sa socioekonomskim akterima u ruralnim područjima, koja se planira objaviti u jesen 2019. godine.</p>
<p><b>32</b></p>	<p>Kako mogu dobiti potrebnu aplikaciju za tov junadi, jer imam stoke, štalu drvenu, zemlja je tek prevedena, imam i farmu otvorenu prije 2. godine i plaćam sebi sve doprinose. Mogu li se dobiti upute?</p>	<p>Smjernice za podnosioc prijave javnog poziva možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>. Možete i prisustvovati info sesijama čiji je raspored objavljen na istim internet stranicama.</p>

<p>33</p>	<p>Željela bih da vam postavim dva pitanja za koja vas molim da odgovorite.</p> <p>1. Jedan od potencijalnih aplikanata ima registrovano preduzeće kao DOO, bavi se otkupom, ali i zasadam jagodičastog voća. Trenutno ima više od 1 ha zasađenog jagodičastog voća, jedan dio na vlastitom i jedan dio na zakupljenoj zemljišnoj površini. Ove zasađene površine trenutno nisu registrovane u poljoprivrednom registru. Da li klijent može da se prijavi na ovaj Javni poziv, ukoliko bi ove navedene zasađene površine jagodičastog voća sada do kraja februara 2019. godine registrovao u poljoprivrednom registru. Da li je to prihvatljivo kako bih mogla klijenta informisati da li može aplicirati ili ne.</p> <p>2. Na predavanjima koja su bila organizovana u Sarajevu, rekli ste da troškovi izrade projekta - poslovnog plana se takodje mogu uvrstiti kao prihvatljiv trošak u ovom javnom pozivu (ova informacija je data prije objavljenog javnog poziva). Međutim u objavljenom javnom pozivu vidim da nije predviđeno kao prihvatljiv trošak jer se samo spominje savjetovanje i nadzor kod proizvodnje, tehnološkog procesa proizvodnje, nadzor kod gradnje, savjetodavne usluge kod upravljanja farmom i sl.</p> <p>Možda nesto pogrešno tumačim, ali ako mi možete odgovoriti da li i izrada poslovnog plana, a kasnije i monitoring su takođe izvršteni kao prihvatljiv trošak investicije.</p>	<p>1. Ako podnosilac prijave bude ažurirao podatke i imao u registru gazdinstva (trenutno stanje) prijavljeno od minimalo 1 ha do 15 ha jagodičastog voća u registru gazdinstva u trenutku podnošenja prijave može se prijaviti na javni poziv.</p> <p>2. Troškovi koji će nastati prije potpisivanja ugovora nisu prihvatljivi uključujući i troškove izrade poslovnog plana i pripreme prijave. Kada smo održali radionicu savjetodavcima i konsultantima na temu pripreme prijave i izrade poslovnog plana još nije bila usvojena konačna verzija Smjernica javnog poziva. Također troškovi monitoringa nisu prihvatljivi, jer je projektno osoblje odgovorno za praćenje i nadgledanje realizacija investicija.</p>
-----------	--	---

<p><b>34</b></p>	<p>Imam registriran obrt već 3 godine. Bavimo se proizvodnjom mlijeka i trenutno imamo 30 grla, cilj nam je kroz naredne dvije godine povećati do 50 grla, i izgraditi novu štalu sa kompostnim ležištima i zbog posebne lokacije i prirodnog okruženja farme, pokrenuti preradu mlijeka na farmi te uključenje turističke ponude kao što je noćenje, degustacijska sala za degustaciju mliječnih proizvoda, trgovina u sklopu farme. Imamo skoro svu potrebnu poljoprivrednu mehanizaciju i posjedujemo 12ha vlastitog zemljišta. Projekt za štalu s kompostom i siranu bih dovršio uz pomoć uposlenika poljoprivrednog zavoda Slovenije.</p> <p>Zanima me Vaše mišljenje o takvom projektu, čija bi ukupna vrijednost bila oko 300.000KM, (svoj dio bi obezbjedili kreditnom linijom) i mogućnostima implementacije istog.</p>	<p>Na osnovu dostavljenih informacija, predloženi projekat proširenja farme se djelomično može finansirati kroz ovaj javni poziv (izgradnja štale i nabavka opreme).</p> <p>Projekti iz sektora turizma nisu prihvatljivi. Za sektor turizma obratiti se Deutsche Gesellschaft für Internationale Zusammenarbeit (GIZ) ili pratite njihove javne pozive na internet stranici <a href="https://eu4business.ba/">https://eu4business.ba/</a> za oblast turizma. Za preradu možete pratiti drugu mjeru podrške za preradu i marketing, koja se planira objaviti sredinom 2019. godine.</p>
<p><b>35</b></p>	<p>Da li se ovaj poziv odnosi i na držanje pčela tj. ja bih izrazio interes da učestvujem u ovom javnom pozivu zbog proširenja pčelinjih zajednica/društava, te takođe proširenje (zaokruženje) proizvodnje svih pčelinjih proizvoda.</p> <p>I da li se projekat šalje na ovu adresu ?</p>	<p>Pčelarstvo nije prihvatljiv pod-sektor u skladu sa tačkom 2.7.2. Smjernica javnog poziva.</p> <p>Prijave se šalju u skladu sa smjernicama iz tačke 3.2. Način dostave prijave.</p>
<p><b>36</b></p>	<p>Bio sam prisutan na prezentaciji Vašeg projekta, i kako je prezentovano, u bodovnom smislu prednost imaju mlađi od 40 godina i žene. Te dvije kategorije nose 40 bodova.</p> <p>Pitanje: po kojem osnovu će se određivati prisustvo mladih i žena u preduzećima, zadrugama ili firmama, gdje trenutno radi više osoba.</p> <p>Mislim da nije uredu da se gleda prema odgovornoj osobi, nego na osnovu prosjeka svih zaposlenih lica.</p>	<p>Javni poziv se odnosi na podršku poljoprivrednim gazdinstvima gdje se mogu fizička i pravna lica prijaviti. Kako je navedeno u tački 2.7.1. Opći kriteriji prihvatljivost podnosilaca prijave: podnosilac prijave je isključivo nosilac poljoprivrednog gazdinstva; a u slučaju pravnog lica nosilac gazdinstva je lice koje je ovlašteno da podnese zahtjev i registrira gazdinstvo u Registar poljoprivrednih gazdinstva. S tim u vezi, bodovanje koje se odnosi na spol, starosnu dob i invaliditet isključivo se odnosi na nosioca gazdinstva kako stoji u registru gazdinstava.</p>

**Odgovori na postavljena pitanja u vezi javnog poziva koja su pristigla u periodu od 14. do 19. februara 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	Bavimo se uzgajanjem šljive na površini od oko 80 hektara i zainteresovani smo za Vaš javni poziv sufinansiranja projekta unapređenja proizvodnje na poljoprivrednim gazdinstvima. Nas konkretno interesuje nabavka novih atomizera i malčera, ali budući da u toku sezone trošimo dosta sredstava za zaštitu voća, kao i đubriva možemo li aplicirati zajedno ove tri stavke, jer sama mehanizacija neće koštati koliko je minimalni iznos da se aplicira za projekat?	Troškovi nabavke repromaterijala, sirovina i poluproizvoda nisu prihvatljivi troškovi u skladu sa tačkom 2.8.3., a nabavka atomizera, malčera i slične opreme koja navedena u prilog 5. Smjernica javnog poziva su prihvatljive investicije i sa tom investicijom možete se prijaviti na javni poziv pod uslovom da ispunite i ostale kriterije i uslove koji su nabrojani u Smjernicama javnog poziva.
2	Mene interesuje da li može aplicirati obrt kao dopunska djelatnost koja nema zaposlenih radnika, već vlasnik obrta radi, a obrt proizvodnje mlijeka je dopunska djelatnost gdje vlasnik radi 4 sata dnevno sa članovima porodice. Obrt ima JIB.	Obrt koji je registriran kao dopunska djelatnosti može se prijaviti na ovaj javni poziv. Bitno je da imate rješenje o registraciji, JIB broj te da ispunite i ostale kriterije i uslove koji su nabrojani u Smjernicama javnog poziva.
3	Na porodičnom imanju posjedujem 60 ovaca koje imaju novu jagnjad. Planiram izgradnju štale za smještaj 100 ovaca sa jagnjadima i nabavku dodatno 40 ovaca za jagnjenje. 1. Da li mogu aplicirati sa svojim ulogom – izgradnja štale za smještaj ovaca? 2. Koji je najniži iznos sa kojim ja moram učestvovati u projektu EU4Business ?	1. Izgradnja objekta za smještaj ovaca je prihvatljiva investicija i možete se prijaviti na javni poziv. 2. Minimalni iznos finansiranja od projekta iznosi 97,000 KM bez PDV, a minimalni iznos sufinansiranje korisnika iznosi 64,000 KM bez PDV kako je navedeno u tački 2.6. Smjernica javnog poziva.
4	Na promociji projekta rečeno je da novi traktori i kombajni ne mogu biti predmet finansiranja iz granta. Pitanje je da li novi traktori i kombajni mogu biti u projektu kao vlastito učešće, a kao grant priključna oruđa?	Finansiranje od strane projekta i sufinansiranje od strane podnosioca prijave se odnosi isključivo na prihvatljive investicije i troškove kako je navedeno u tački 2.8.2 i prilogu 5. Smjernica javnog poziva. Obzirom da se traktor i kombajn ne nalaze na listi prihvatljivih investicija ne mogu biti predmet sufinansiranja od strane podnosioca prijave.

5	Mogu li da dobijem informacije o programu podsticaja za komercijalna domaćinstva tj. šta je potrebno od dokumentacije za podnošenje zahtjeva za nepovratna sredstva? Informacije radi, posedujem plantažu bio-aronije.	Smjernice za podnosiocce prijave javnog poziva možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> .
6	Da li je u okviru javnog poziva za mjeru podrške poljoprivrednim gazdinstvima moguće aplicirati za kupovinu novog kamiona hladnjače za izvoz malina u svježem stanju?	Nabavka vozila hladnjača za prevoz svježih malina nije prihvatljiva investicija u skladu sa prilogom 5. Lista prihvatljivih investicija za mjeru podrške poljoprivrednim gazdinstvima i ne može se finansirati putem ovog javnog poziva.
7	Bavimo se proizvodnjom mlijeka. Ovim projektom želimo sufinansirati izgradnju štale za krave koje imamo. Zemlja na kojoj će se graditi štala je u vlasništvu vlasnika obrta. Štalu želimo graditi iz sredstava kojima raspolažemo u obrtu, odnosno izgradnju štale planiramo finansirati sa registrovanog obrta. Zanima nas da li nam je prepreka za dobivanje grant sredstava što je zemlja na kojoj ćemo graditi štalu u vlasništvu vlasnika obrta, a ne u vlasništvu obrta.	S obzirom da će obrt potpisati ugovor za finansiranje predloženog projekta, planirani objekat mora biti u vlasništvu obrta. Ukoliko imate građevinsku dozvolu i ostala tražena dokumenta, možete se prijaviti na javni poziv.
8	Da li je prihvatljiv trošak ukoliko se projekat odnosi na izgradnju objekta za smještaj stoke i nalazi u ruralnom području koji nije pod regulacionim planom za izgradnju grada Trebinja, tj. nije moguće dobiti građevinsku dozvolu?	Izgradnja objekata za smještaj stoke je prihvatljiva za finansiranje od strane projekta jedino ako posjedujete validnu građevinsku dozvolu, kako je navedeno u tački 2.7.1. Opći kriteriji prihvatljivosti podnosilaca prijava.
9	Proizvođač sam lješnjaka. Imam 2.5 hektara (oko 1000 stabala) lješnjaka na teritoriji Prnjavora i ove godine je zasad ušao u sedmu godinu, te sam registrovan kao poljoprivredni proizvođač. Da li ispunjavam uslove za nepovratna sredstva po javnom pozivu EU4Business?	Možete se prijaviti na javni poziv, ali morate provjeriti da li ispunjavate i ostale kriterije koji su navedeni u Smjernicama javnog poziva.
10	U planu sam sa mužem pokrenuti izgradnju objekta za proizvodnju sokova i džemova na općini Čelić. U toku je priprema dokumentacije za izgradnju. Da li postoji mogućnost dobijanja bespovratnih sredstava za takav vid ulaganja?	Javni poziv se odnosi isključivo na primarnu poljoprivrednu proizvodnju i to na odabrane podsektore kako je navedeno u Smjernicama za podnosiocce prijava. U sredinom 2019. godine se planira objaviti javni poziv za mjeru ulaganja u preradu i marketing. Detaljni uslovi te mjere će biti definisani u smjernicama za potencijalne podnosiocce prijava.

<p><b>11</b></p>	<p>Naša firma se bavi proizvodnjom građevinske stolarije (proizvodnjom drvenih vrata i prozora). Nakon analiziranja javnog poziva i čitanja smjernica koje su navedene u prilogima, primijetili smo da se one baziraju na poljoprivrednu proizvodnju te iz tog razloga nas zanima da li smo u mogućnosti da apliciramo i mi kao firma koja se bavi proizvodnjom građevinske stolarije obzirom da smo u tekstu na javnom pozivu zapazili sljedeće: "Projekat "Konkurentnost i inovacije: Lokalne razvojne strategije – EU4Business" ima za cilj da doprinese ekonomskom rastu i otvaranju novih radnih mjesta kroz podršku konkurentnosti i inovacijama u izvozno orijentisanim sektorima (npr. prerada drveta, metal, tekstil, plastika ili informacione i komunikacione tehnologije)" u kojem je navedena prerada drveta kao prva stavka a čime se mi zapravo i bavimo.</p> <p>Osim toga, imamo problem sa Prilogom br. 2a Poslovni plan-tabele, te se nadamo da ćemo dobiti neke upute o rješavanju ovog problema.</p>	<p>Javni poziv se odnosi na mjeru za podršku poljoprivrednim gazdinstvima, a ne preradu drveta. Za Sektor turizma i izvozno orijentisane sektore možete se javiti Deutsche Gesellschaft für Internationale Zusammenarbeit (GIZ) ili pratite njihove javne pozive na stranici projekta <a href="https://eu4business.ba/">https://eu4business.ba/</a>.</p>
<p><b>12</b></p>	<p>Poslije čitanja javnog poziva nije skroz jasno da li je minimalna suma za koju se može aplicirati 97,000 KM?</p> <p>Da li ovo znaci da aplikant treba imati 40% u novcu na računu ili da u periodu implementacije projekta investira 40% u odnosu na ukupni iznos koji se eventualno dobije?</p>	<p>Učešće podnosioca prijave ne ulazi u 97,000 KM kako je i navedeno u tački 2.6. Smjernica javnog poziva. Minimalni iznos finansiranja od projekta je 97,000 KM bez PDV-a, a učešće podnosioca prijave iznosi 64,000 KM bez PDV-a te ukupan iznos projekta iznosi 161,000 KM bez PDV-a.</p>
<p><b>13</b></p>	<p>Bavim se proizvodnjom plasteničke rasade i proizvodima u plastenicima: paprika, paradajz, kupus, salate. Posjedujem fiksni plastenik od 500 kvadrata i tri montažna plastenika od 200 kvadrata. Na otvorenom radim 15 duluma lubenice, 4 duluma paprike, 5 duluma kasnog kupusa, 2 duluma dinje, na 20 duluma kukuruz šećerac. Drugih 20 duluma mi je u zakupu koji mogu obrađivati duži period. Želim da olakšam posao sa sadilicom za lubenicu, papriku i dinju pod folijom (potrebna mi sijačica za kontejnere i sadilica na otvorenom). Sezonski zaposlim od 4-10 radnika, zato mi je potrebna mehanizacija da olakšam posao koja bi mi omogućila da zaposlim veći broj radnika uz veću proizvodnju. Uz navedenu mehanizaciju zaposlio bi</p>	<p>Ako ispunjavate sve uslove i kriterije navedene u Smjernicama možete se prijaviti na javni poziv. Prijave se šalju u skladu sa smjernicama iz tačke 3.2. Način dostave prijave.</p>

	2 stalna radnika za proizvodnju rasade paprike, lubenice, dinje, kupusa i paradajza.	
<b>14</b>	<p>Bavimo se primarnom proizvodnjom, tj. uzgojem i proizvodnjom jabuke i imam nekoliko pitanja vezanih za vaš poziv:</p> <p>1. Da li je izgradnja hladnjače predmet prihvatljivog ulaganja za sufinansiranje?</p> <p>2. Da li oprema koja je porijeklom iz Kine i ima nižu vrijednost od 100,000 EUR predmet sufinansiranja? Naveli ste da je potrebna trajna ili privremena građevinska dozvola za pojedina prihvatljiva ulaganja. Interesuje me sljedeće:</p> <p>3. Da li u toku ovog poziva može doći do izmjene uslova poziva po pitanju dobijanja građevinske dozvole na način da se građevinska dozvola može dobiti po odobrenju projekta iz Poziva?</p> <p>4. Da li u toku ovog poziva može doći do izmjene uslova poziva po pitanju izmjene uslova prihvatljivih troškova na način da se trošak građevinske dozvole i izrade projekta mogu smatrati prihvatljivim troškovima za sufinansiranje projekta iz poziva?</p>	<p>1. Izgradnja hladnjača za čuvanje i skladištenje svježih voćnih i povrtnih proizvoda uključujući i prateću opremu, kao i izgradnja ULO hladnjača su prihvatljive investicije u skladu sa listom investicija u prilogu 5. Smjernica javnog poziva.</p> <p>2. Kako je navedeno u prilogu 6. samo nabavke koje su veće od EUR 100,000 bez PDV moraju biti porijeklom u skladu sa listom prihvatljivih zemalja.</p> <p>3. Poznato nam je da proces dobijanja građevinske dozvole može duže trajati i čak u nekim slučajevima nije je moguće dobiti. Iz tih razloga i zbog ograničenja vremenskih rokova projekta, tražili smo da za izgradnju objekata treba dostaviti trajnu ili privremenu građevinsku dozvolu za jedno sa prijavom na javni poziva a kako je navedeno u tački 2.7.1. i u tački 3.1. Smjernica javnog poziva.</p> <p>4. Ne mogu se promijeniti uslovi vezani za dostavljanje građevinske dozvole uz prijavu u slučaju izgradnja objekata.</p> <p>5. Ne možemo promijeniti uslove da troškovi građevinske dozvole budu prihvatljivi troškovi, niti za finansiranje od strane projekta niti sufinansiranje od strane podnosioca prijave, jer ti troškovi nastaju prije potpisivanja ugovora kako je navedeno u tački 2.8.2. - <i>Da bi investicije i troškovi bili prihvatljivi potrebno je da su nastali tokom implementacije projekta od strane podnosioca prijave.</i></p>
<b>15</b>	<p>1. Da li je potrebna građevinska dozvola za objekte koji po Zakonu o prostornom planiranju i građenju Brčko distrikta ne zahtjevaju građevinsku dozvolu? Da li će te prihvatiti projekte koji nemaju završenu lokacijsku dozvolu, a koja se može dobiti u periodu trajanja projekta uz uslov predfinansiranja u 100% iznosu i da vaše plaćanje bude u konačnici vezano i za ovu dozvolu?</p> <p>2. U pozivu ste naveli da dodatne bodove dobijaju žene i mlađi od 40 godina. Ovo je jasno ako se radi o poljoprivrednom gazdinstvu, međutim ako se radi o pravnom licu onda ovakav tretman u neku ruku ima i diskriminatorску notu kao što je objašnjeno</p>	<p>1. U slučaju da zakon o prostornom planiranju i građenju Brčko Distrikta ne zahtijeva građevinsku dozvolu za podizanje platenika, dolazi u obzir samo lokacijska dozvola kako isti zakon zahtijeva. U ovom slučaju mora se dostaviti lokacijska dozvola uz prijavu isto kako važi za objekte koji zahtijevaju građevinsku dozvolu.</p> <p>2. Molimo vas da pogledate odgovor na vaše drugo pitanje pod brojem 36 u <i>Odgovorima na postavljena pitanja (pristigla u periodu od 7. do 13. februara 2019. godine)</i> postavljena na na web stranici UNDP</p>

	<p>od strane pravnika na sastanku u Brčkom jer firma je pravno lice i ima mogućnost da ovlaštenjima vlasnika firme određenim licima da i određene ovlasti. Moje pitanje je da li osoba koja je ovlaštena od strane vlasnika firme, direktora ili u našem slučaju pošto smo zadruga ovlašten od strane Skupštine zadruge da može podnositi projektne prijedloge u ime zadruge na projektne pozive koji se objavljuju u zemlji i inostranstvu može dobiti dodatne bodove ukoliko ispunjava postavljene kriterije. Znači nije vlasnik, nije zadrugar nego je osoba koja je po svom radnom ugovoru i odluci skupštine zadruge ovlašten za predaju projektnih prijedloga, a ispunjava uvijete navedene u pozivu i već duži period radi u zadruzi na toj poziciji (projekt menadžer). Da li takva situacija donosi dodatne bodove?</p> <p>3. Budući da ćete imati više poziva u toku godine, za različite oblasti i za različite ciljane grupe, da li jedno pravno lice može aplicirati na više poziva i da u slučaju da na jednom pozivu bude prihvaćen projekt za sufinansiranje znači i eliminaciji mogućnosti dobijanja drugog projekta koji će biti objavljen tokom godine, a isti je u sklopu EU4Business projekta.</p>	<p><a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p> <p>Pored ovoga, svako fiktivno stvaranje uslova radi dobivanja boljeg položaja u odnosu na druge podnosioce prijava će rezultirati u automatskom isključenju takvih prijava iz daljeg razmatranja.</p> <p>3. Podnošenje prijava na ovaj javni poziv i eventualno dobivanje finansijske podrške vas neće ograničiti u sljedećim javnim pozivima.</p>
<p><b>16</b></p>	<p>Registrovani smo kao porodično poljoprivredno gazdinstvo u Gradiški i bavimo se mljekarstvo. Željeli bi da od dva objekta koja su imala građevinsku dozvolu izvršimo adaptaciju, gdje bismo obezbijedili da 38 grla bude u direktnoj muži i supostavili zatvoreni sistem muže uz mljekovod. U toj adaptaciji bi obezbijedili objekat za laktofriz i postojeću osočaru proširili da da bi dobili sistem bazena. Šta nam je potrebno od dokumentacije? Kako treba da izgleda poslovni plan? Ko nam može pomoći oko njega ili ga radimo sami?</p>	<p>Za podsektor mlijeka (proizvodnja kravljeg mlijeka) se traži da imate minimalno 15 krava muzara nakon završetka investicije, u skladu sa sa tačkom 2.7.2. Smjernica javnog poziva. Također morate uzeti u obzir opravdanost investicije, odnosno koji minimalni broj grla morate imati kako biste opravdali tražena sredstva kod izrade poslovnog plana.</p> <p>Nabavka izmuzišta, laktofriza i adpatacija objekta su prihvatljive investicije. Morate se konsultovati sa Odjeljenjem za urbanizam općine Gradiške da Vam objasne šta je potrebno od dokumentacije za radove na adaptaciji objekta.</p> <p>Za izgradnju bazena za osoku, tečnog i polotečnog stajnjaka, morate imati građevinsku dozvolu. Možete se obratiti Odjeljenju za urbanizam da vam objasne šta je potrebno za takvu vrstu radova.</p>

		Poslovni plan se nalazi u prilogu 2. Smjernica javnog poziva u dva djela, opisni dio i Excel tabele. Za izradu poslovnog plana možete se obratiti Resoru za pružanje stručnih usluga u poljoprivredi – područna jedinica Gradiška. Oni vam mogu pomoći da pripremite prijavu i poslovni plan ili će vas uputiti na osobu koja vam može pružiti pomoć.
--	--	---

**Odgovori na postavljena pitanja u vezi javnog poziva koja su pristigla u periodu od 20. do 25. februara 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	Da li se u podsektoru proizvodnje mlijeka može aplicirati na mlin-mješaona stočne hrane tj. koncentratat i peletirke za peletiranje stočne hrane, djeteline lucerke, kao i peletiranje slame?	Možete se prijaviti na javni poziv, jer su prihvatljive investicije mlin-mješaona stočne hrane, oprema za peletiranje stočne hrane, djeteline lucerke i slame i u skladu su sa prilogom 5. Smjernica javnog poziva.
2	Posjedujemo već izgrađene, funkcionalne objekte za tov pilenki (brojlara), te se bavimo uzgojem istih. Naš sljedeći projekat bi bio uređenje eksterijera prostora oko farmi, tačnije tri prizemna objekta i jedan objekat dvospratni. Želimo također napomenuti da smo izgradili objekte, ukupne vrijednosti četiri i pol miliona konvertibilnih maraka, koje smo finansirali vlastitim novčanim sredstvima, i sredstava ostvarenih na kreditnoj osnovi, bez korištenja bespovratnih sredstava kao pomoći u izgradnji istih. Ovim putem želimo da pitamo da li projekat uređenja eksterijera, tačnije asfaltiranje prostora oko objekata, može biti podržano ovim javnim pozivom, s obzirom da bismo na taj način higijenu podigli na viši nivo, ali i poboljšali bezbjednost hrane?	Asfaltiranje prostora i uređenje eksterijera izuzev gradnje fiksnih ograda nisu prihvatljiva investicija u skladu sa prilogom 5. Smjernica javnog poziva.
3	Da li privredna društva (d.o.o.) ili njihovi predstavnici trebaju biti upisani u Registar poljoprivrednih proizvođača?	Pravna lica i privredna društva trebaju biti upisani u registar gazdinstva.

4	<p>Da li se unutar stavke 3.2.1 - Mašina i oprema za rukovanje i transport stajnjakom, odnosno mašine i mehanizacija za utovar čvrstog stajnjaka može sufinancirati nabavka utovarivača za poduzeće, te postoje li neka ograničenja prilikom nabave istog?</p>	<p>Namjenski utovarivač za stajnjak je prihvatljiva investicija kako je navedeno u prilogu 5. Lista prihvatljivih investicija za mjeru podrške poljoprivrednim gazdinstvima unutar stavke 3.2.1. Mašine i oprema za rukovanje i transport stajnjakom, odnosno mašine i mehanizacija za utovar čvrstog stajnjaka. Traktori nisu prihvatljiva investicija.</p>
5	<p>Proučavajući Smjernice objavljene u javnom pozivu za podršku uočila sam nekoliko nedosljednosti koje mogu imati veliki značaj da li će neki od podnosioca prijave biti označen kao prihvatljiv kandidat. Pa evo redom:</p> <p>1. U tački 2.5 Zahtjevi za ispunjavanje standarda, treći pasus navodite ""Podnosioci prijave koji posjeduju dobrovoljne standarde kao što je Global GAP ili Organski certifikat će biti dodatno bodovani..." A potom u tački 3.1 pod podtačkom 8. uvodite posjedovanje nekog od ovih dobrovoljnih certifikata kao obavezujući tj eliminatorni uslov!!!! Zar neće biti unesena dovoljna razlika među podnositeljima, ako se onima koji posjeduju ove DOBROVOLJNE certifikata daju dodatni bodovi?</p> <p>2. Tačka 3.2 Način dostave prijave. Da li se u e-kopiju zipovani dokumenti mogu poslati u pdf formatu?</p> <p>3. U vašim odgovorima na pitanje, na korisničko pitanje navedeno pod rednim brojem 24 odnosi se na nepotpun dokument „Prilog-2.a-Poslovni-plan-tabele“ dajete odgovor da ste u Excel fajlu izostavili formule te da formule trebaju da unesu sami podnosioci, te ih upućujete na uslugu poslovnog konsultanta za izradu poslovnog plana. A potom se iz Smjernica uočava da trošak konsultanta za izradu poslovnog plana ne uzimate kao prihvatljiv trošak?</p>	<p>1. Podnosioci prijave koji posjeduju dobrovoljne standarde će biti dodatno bodovani kako je navedeno u tački 2.5., kao i u tački 3.1. pod brojem 8 navodi se sljedeće: Kopija certifikata za standarde (Organska, Global GAP), <u>ukoliko je relevantno</u>.</p> <p>2. Svi dokumenti se mogu poslati u PDF formatu izuzev poslovnog plana u tabelama koji mora biti u Excel formatu.</p> <p>3. Poslovni plan u Excel formatu je priložen bez formula, jer ukoliko podnosilac prijave ima iskustva sa izradom poslovnih planova tada vjerovatno poznaje i potrebne formule. Ukoliko podnosilac prijave nema iskustvo predlažemo da se obrati relevantnoj osobi koja mu može pomoći kod izrade poslovnog plana. Troškovi konsultanta za izradu poslovnog plana i pripreme prijave nisu prihvatljivi troškovi, jer se odnose na troškove nastale prije potpisivanja ugovora u skladu sa tačkom 2.8.2. Smjernica javnog poziva.</p>
6	<p>Klijent ima zasad maline od 3 hektara i radi po principu BIO proizvodnje. Od navedene kulture takođe vrši preradu/pravi sok i svježju malinu tj. sok izvozi u Njemačku. Da li klijent može aplicirati za novi nasad kulture-borovnice od 3 hektara po principu BIO i aplicirati za manju liniju prerade voća (proizvodnja soka)?</p>	<p>Nabavka sadnica je neprihvatljiva investicija, a javni poziv za mjeru podrške poljoprivrednim gazdinstvima se odnosi isključivo na primarnu proizvodnju. Javni poziv za mjeru podrške preradi će biti objavljen sredinom 2019. godine te će se moći podnijeti prijava za investicije u prerađivačke kapacitete</p>

<p><b>7</b></p>	<p>Djelatnost poduzeća je uzgoj rajčice za preradu, što je prvi takav uzgoj u BiH. Svu proizvedenu rajčicu nakon berbe transportiramo u tvornicu za preradu, koja se nalazi u Umagu. Cijela proizvodnja se odvija mehanizirano.</p> <p>Primarno bi nam bio potreban kombajn za mehaniziranu berbu, vrijednosti cca 161.000,00 KM (97.000,00 vaših 60% bespovratnih sredstava). Nakon toga eventualno neki priključci za obradu tla i zaštitu, kao npr. prskalice za zaštitu i međuredni frezači, ili sadilica za strojnu sadnju, odnosno prikolica dimenzija 2,5x6m sa box paletama, u koju kombajn nakon berbe odlaže rajčicu. Ako može, odgovorite mi što ulazi u domenu prihvatljivih investicija.</p>	<p>Kako je navedeno u prilogu 5. Smjernica javnog poziva lista prihvatljivih investicija u tački 1.2.1.6.: Oprema i uređaji za zaštitu bilja i sterilizaciju zemljišta i supstrata, uključujući i prskalice, prskalice sa vazdušnom podrškom/atomezere, zamagljivači, orošivači; mašine za sterilizaciju zemljišta i druga slična oprema i u tački 1.3.4.: Posebna oprema za branje voća i povrća uključujući i vasilice povrća, utovarivače povrća, trakaste transportere za berbu povrća, berače voća, tresaće i pokretne platforme za berbu voća i povrća. U prihvatljive investicije ulazi kombajn za branje paradajza, prskalice/atomizeri i sadilice. Međuredni frezači i prikolice sa box paletama nisu prihvatljive investicije. Pored toga prilikom prijave morate uzeti u obzir ispunjenje drugih kriterije(kao što su opći i posebni) i ekonomsku opravdanost takve investicije.</p>
<p><b>8</b></p>	<p>Imam registrovano gazdinstvo sa 7 hektara jabuke, kruške i šljive. Želim da poboljšam kvalitet voća sa modernom mehanizacijom i da postavim protivgradnu odbranu tj.mrežu. Zanima me da li mogu da apliciram na konkurs, a da ne osnujem firmu?</p>	<p>Protivgradna mreža je prihvatljiva investicija kako je navedeno u prilogu 5. Smjernica javnog poziva i s time možete se prijaviti.</p> <p>Fizičko lice koje želi da podnese prijavu na ovaj javni poziv mora pokrenuti proces registracije obrta ili preduzeća u toku trajanja javnog poziva te uz prijavu dostaviti i potvrdu od nadležnih službi da je proces registracije pravnog subjekta započet. U slučaju da Projekat EU4Business odobri projektni prijedlog, Rješenje o registraciji obrta ili preduzeća treba biti dostavljeno najkasnije 30 dana od dana zvanične obavijesti o odobravanju bespovratne novčane podrške.</p>
<p><b>9</b></p>	<p>1. Da li bespovratna sredstva po jednoj prijavi mogu biti manja od 97.000,00 KM (manja vrijednost projekta)?</p> <p>2. Da li je vrijeme povrata investicije ograničeno na 5 god. ili ono može biti nešto duže?</p>	<p>1. Pojedinačni iznos bespovratnih sredstva ne može biti manji od 97,000 KM bez PDV (60%) kako je prikazano u tački 2.6. Smjernica javnog poziva i gdje iznos sufinansiranja od strane potencijalnog korisnika (40%) iznosi minimalno 64,000 KM bez PDV.</p> <p>2. Povrat investicije ne smije biti veći od 5 godina kako je navedeno u tački 4.D. Ocjena poslovnog plana.</p>

<p><b>10</b></p>	<p>Da li je dozvoljeno da osnivanje nove firme (SP) ide na sina, iako je otac nosilac gazdinstva i ukoliko jeste da li je otac kao nosilac gazdinstva i dalje podnosilac prijave ili prijava projekta može ići na sina? Obojica su na istoj kućnoj listi.</p>	<p>Nosilac gazdinstva jedino može podnijeti prijavu. Vi možete registrirati gazdinstvo u samostalnog preduzetnika na sina, ali u tom slučaju se smatra kao vještačko stvaranje uslova za dobijanje više bodova i na taj način se krše pravila javnog poziva kako je navedeno u tački 4.3. Smjernica javnog poziva - <i>Napomena: Svako vještačko stvaranje uslova za dobivanje prednosti za podnesenu prijavu smatra se grubim kršenjem pravila ovog javnog poziva. Takve prijave će automatski biti isključene iz daljnjeg razmatranja.</i></p> <p><u>Ukoliko sin želi da podnese prijavu na ovaj javni poziv i gazdinstvo mora da bude prebačeno na njega.</u></p>
<p><b>11</b></p>	<p>Naša kompanija se bavi proizvodnjom, preradom i prodajom ribe. Imamo par pitanja:  1. Da li je moguće dobiti bespovratna sredstva za proizvodnju ribe?  2. Da li limit od 5.000.000 maraka prihoda važi za cjelokupno preduzeće ili samo za njegov proizvodni sektor?  3. Da li će taj limit biti određen i na programima za podršku prerada, kao i na programu za podršku izvoza?</p>	<p>1. Podsektor ribarstva nije prihvatljiv kako je navedeno u tački 2.7.2. Smjernica javnog poziva.  2. Limit do 5 miliona KM prihoda za 2018. godinu se odnosi na preduzeće i povezana lica, kako je navedeno u tački 2.7.1.: Opći kriteriji koje dodatno moraju ispuniti podnosioci prijava koji spadaju u kategoriju obrta/preduzetnika, preduzeća ili zadruga.  3. Javni poziv za preradu će biti objavljen sredinom 2019. godine i tada će biti poznati sektori i proizvodnje koje će biti prihvatljive.</p>
<p><b>12</b></p>	<p>1. Pošto smo mi zadruga i u vlasništvu smo 5 ljudi. Svaki od njih je 50 % vlasnik zadruga. Pored zadruga vlasnici su i u drugim firmama (znači povezana lica). Ako promet svih povezanih lica saberemo on prelazi 5 miliona KM. Da li na osnovu toga možemo mi kao zadruga aplicirati na poziv (mi sami kao zadruga odvojeno pravno lice radimo promet 3.5 milona KM) .  2. U RPG je upisano našeg zemljišta oko 180 h. Od toga radimo 85 hektara pšenice i ječma (žitarice). Toliko smo radili u 2018. i u 2019. godini. Da li ovdje imamo kakav ograničavajući faktor?</p>	<p>1. Vaša zadruga se ne može prijaviti na javni poziv obzirom da zajedno sa povezanim licima ostvarujete preko 5 milion KM, kako je navedeno u tački 2.7.1. Opći kriteriji prihvatljivosti podnosilaca prijava da se može prijaviti obrt/preduzetnik, preduzeće ili zadruga (uključujući i povezana lica) je imalo godišnji prihod manji od 5 miliona KM u 2018. godini.  2. Ako je prijavljeno u registar gazdinstva samo 85 ha pod žitaricom ispunjavate posebne kriterije za podsektor žitarice i uljarica bez obzira na ukupnu površinu zemljišta prijavljenu u registar.</p>

13	Iz dokumenta Smjernice za podnosiocce prijava, tačka 2.7.1 - Opći kriteriji koji važe za sve podnosiocce prijave, uslov u drugom pasusu "podnosilac prijave je upisan u registar poljoprivrednih gazdinstava (FBiH, RS ili BD BiH) i ažiriranje podataka u Registru za 2019. godinu ....." Da li ovu potvrdu mora posjedovati i dostaviti podnositelj prijave koji je registriran kao preduzeće (d.o.o.) za primarnu proizvodnju mlijeka?	Prihvatljivi podnosioci prijava mogu biti fizička lica, obrti/preduzetnici, zadruge i preduzeća uključujući d.o.o., ali svi moraju biti registrovani u registru gazdinstva te da su ažurirali svoje podatke u registru za 2019. godinu, kako je navedeno u tački 2.7.1. Opći kriteriji prihvatljivosti podnosilaca prijava.
14	Poštovani, bavim se proizvodnjom povrća u zaštićenim prostorima. Zanima me šta treba priložiti da bih ostvario poticaj? Također imam i vinograd i mogu li i za njega dobiti poticaj?	Pročitajte Smjernice javnog poziva koje možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> . Kako je navedeno u tački 2.7.1.: Planirana investicija se odnosi na isključivo samo jedan od prihvatljivih sektora za podršku (u skladu sa poglavljem 2.3. Prihvatljivi poljoprivredni pod-sektori), kao što je navedeno u prijavnim obrascu. Podsektor voća i vinograda su prihvatljivi podsektori, ali se možete prijaviti samo na jedan podsektor.
15	Zanima me da li aplikant za investiciju u objekat farme za tov svinja treba da posjeduje građevinsku dozvolu u momentu podnošenja aplikacije?	Za izgradnju objekta za držanje stoke, uključujući i tov svinja treba građevinska dozvola u skladu sa važećim zakonima u Bosni i Hercegovini.
16	Da li zadruga koja je upisana u registar klijenata ima pravo učestovati u pozivu?	Zadruga se može prijaviti na javni poziv, ali mora biti upisana u registar gazdinstava te ispunjavati sve ostale uslove definisane ovim javnim pozivom.
17	Zadruga koje se bavi proizvodnjom mlijeka, a koja se želi prijaviti na Vaš javni poziv za dodjelu bespovratnih sredstava za mjeru podrške poljoprivrednim gazdinstvima, imala je negativan bilans poslovanja u 2018. godini. Ukoliko bi obezbjedili poslovnog partnera koji bi investirao i koji ima pozitivan bilans i platni promet ispod 5 mil. maraka, da li bi takva prijava bila prihvatljiva.	Kolektivne prijave se ne uzimaju u obzir kako je definisano u tački 2.1. Smjernica javnog poziva: Podnosioci prijava mogu da podnesu prijave za projekte definisane ovim javnim pozivom isključivo samostalno. Prijave više podnosioca kroz jedan prijedlog neće biti uzete u obzir.

<p><b>18</b></p>	<p>Posjedujem plantažu lješnjaka u certificiranoj organskoj proizvodnji na nadmorskoj visini od 1000 metara, a koja se lokacijski nalazi na području općine Vareš. Parcela ima priključak na lokalni seoski vodovod (plus bunar za navodnjavanje na samoj parceli), kao i priključak struje koji glasi na registrovani poljoprivredni obrt proizvodnje lješnjaka. U proljeće se planira zasaditi dodatni 1 hektar lješnjaka, a projekat koji bih prijavio se odnosi na izgradnju objekta za skladištenje i preradu lješnjaka koji bi koristio geotermalnu energiju, obzirom da se lješnjak mora čuvati na optimalnoj temperaturi od 4 stepena C, a ista energija bi se koristila za grijanje/hlađenje prostora za preradu lješnjaka i još jednu eksperimentalnu svrhu koju bih naveo u projektu.</p> <p>Pitanje koje me interesuje je sljedeće, a odnosi se na segment 3.1. Potrebna dokumentacija iz dokumenta Smjernice za podnosiocje zahtjeva:</p> <ul style="list-style-type: none"> <li>- u projektu se traži važeća ili privremena građevinska dozvola. Obzirom da trenutno ne postoji objekat na parceli, i da bi se pravio iz pocetka (u skladu sa zahtjevima za korištenje geotermalne energije), da li je prihvatljivo da građevinsku dozvolu dostavim ako projekat bude odobren, obzirom da navedena zona u kojoj se parcela nalazi omogućava dobijanje građevinske dozvole (elektro i vodovodni priključak su već tu na parceli)?</li> <li>- obzirom da se radi o proizvodnji lješnjaka, plantaža je zasađena u novembru 2015 godine, i sada je 3 godine i par mjeseci od momenta sadnje, a lješnjak prve prihode daje nakon 3 godine, a puni urod u 5 ili 6 godini (mogu Vam dostaviti i biznis plan iz 2014 godine, prije sadnje plantaže, da vidite kretanja rodnosti i proizvodnje), te da li je prihvatljivo da je obrt poslovao bez gubitaka, odnosno na 0, obzirom da nismo imali troškova, a ni prihoda u 2018. godini, kada je obrt u pitanju u okviru kojeg podnosimo projektni zahtjev?</li> </ul>	<p>Javni poziv za mjeru podrške poljoprivrednim gazdinstvima se odnosi isključivo na primarnu proizvodnju. Vaša predložena investicija se odnosi na preradu. Javni poziv za mjeru podrške prerade će biti objavljen polovinom 2019. godine u okviru projekta EU4Business.</p>
------------------	--	---

<p><b>19</b></p>	<p>Da li je bitno što je izvor vlastitih sredstava (ušteđevina,kredit,pozajmica...)?</p> <p>Da li je moguće u okviru ove potpore u pod sektoru proizvodnja mesa aplicirati za kupovinu kombinirke (npr JCB4X) kojom bi se olakšalo čišćenje štale, održavanje, utovar gnojiva?</p> <p>Da li je u okviru jedne prijave u pod sektoru proizvodnja mesa moguće aplicirati i za nabavku stroja (npr. JCB4X) kao i za nadogradnju postojećeg objekta kako bi se kupljeni stroj mogao držati u prikladnim uvjetima, te kako bi se nadogradnjom objekta povećao kapacitet za smještaj hrane za stoku.</p> <p>U okviru javnog poziva veliki naglasak se stavlja na inovacije kao i na povećanje prihoda, da li je prihvatljiva inovacija to što bi se kupovinom kombinirke (npr. JCB4X) dala mogućnost da poljoprivredni obrt poveća prihode u smislu obavljanja različitih uslužnih djelatnosti pomoću kupljenog stroja?</p> <p>Ukoliko je poljoprivredni obrt podnio zahtjev za promjenu adrese sjedišta obrta prije objavljivanja ovoga javnog poziva, a zbog proceduralnih razloga rješenje se dobilo za vrijeme trajanja javnog poziva da li isti ima mogućnost prijave na javni poziv?</p>	<p>Izvor sufinansiranja podnosioca prijave može biti sopstveni, krediti i pozajmica. Neće se uzimati u obzir ako je donacija od bilo kojeg nivoa vlasti u BiH ili međunarodne organizacije kako je navedeno u tački 2.8.3 Neprihvatljive investicije i troškovi.</p> <p>Nabavka JCB4X nije prihvatljiva investicija u skladu sa prilogom 5. Smjernica javnog poziva. Međutim, namjenski utovarivači stajnjaka su prihvatljiva investicija u skladu sa prilogom 5. Smjernica javnog poziva.</p>
------------------	--	--

**Odgovori na postavljena pitanja u vezi javnog poziva koja su pristigla u periodu od 26. februara do 4. marta 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	<p>U slučaju da aplikant prođe na projektu, dostavi bankovnu garanciju i realizacija projekta traje 12 mjeseci - znači u više faza u toku godine. Da li će novac podrške biti uplaćen u punom iznosu ili u fazama realizacije projekta?</p> <p>Da li može aplicirati nosioc poljoprivrednog gazdinstva (žena) u podsektoru mljekarsto na opremu mljekovod, skreperi i gumena ležišt u objektu koji ima građevinsku dozvolu, a u vlasništvu je supruga?</p>	<p>Ako je prijava odobrena za finansiranje sav iznos podrške od projekta će biti uplaćen odobrenom korisniku uz priloženu bankovnu garanciju. Ako je žena nosilac gazdinstva može se prijaviti na javni poziv za navedenu opremu koja je isto prihvatljiva u skladu sa prilogom 5. Smjernica javnog poziva. Obzirom da je muž vlasnik objekta koji posjeduje građevinsku dozvolu mora da ustupi na korištenje objekat ženi potpisivanjem ugovora u trajanju od 10 godina kako je navedeno u tački 2.7.1. - objekat ili zemljište na kojem će se investicija realizovati je u vlasništvu podnosioca prijave ili podnosilac prijave posjeduje koncesiju ili ugovor o korištenju od najmanje 10 godina (dokaz: dostavljena potvrda o registraciji poljoprivrednog gazdinstva ili ugovor o zakupu). Moramo napomenuti da vještačko stvaranje uslova se smatra kršenjem pravila javnog poziva. Drugim riječima, u Vašem slučaju žena mora biti nosilac gazdinstva u 2019. ali i u 2018. godini, jer ako se ustanovi da je došlo do promjene nosioca gazdinstva samo zbog stvaranja vještačkih uslova definisanim javnim pozivom rade stvaranja prednosti prilikom bodovanja projekta, prijava će automatski biti odbačena.</p>
2	<p>Da li aplikant u momentu podnošenja aplikacije na javni poziv EU4Business treba imati 40% u novcu na računu ili da u periodu implementacije projekta investira 40% u odnosu na iznos koji se dobije?</p>	<p>Podnosilac prijave mora obezbjediti sav iznos sufinansiranja od 40% u novcu u roku od 30 dana od datuma obavijesti da je njegov projekat odobren za finansiranje od strane EU4Business projekta kako stoji u pismu namjere. U određenim situacijama, kao što su kreditna sredstva, korisnik vjerovatno neće dobiti kreditna sredstva na vlastiti račun pa je u tom slučaju Ugovor o kreditu dovoljan dokaz.</p>
3	<p>Mi se bavimo pčelarstvom i namjeravamo proširiti proizvodnju stoga bi nam koristila potpora.</p>	<p>Pčelarstvo nije prihvatljiv podsektor po ovom javnom pozivu.</p>

4	Kome su namijenjena ova sredstva uzimajući u obzir prosječno komercijalno gazdinstvo sa 10 krava, gdje bruto godišnji prihod sa premijom iznosi oko 12,000 KM i kada se odbiju obavezne uplate za doprinose godišnje oko 1,500 KM i troškovi proizvodnje ostaje nešto za preživljavanje?	Bespovratna sredstva iz ovog javnog poziva su namijenjena za veća poljoprivredna gazdinstva, zadruge i mala srednja preduzeća u skladu sa uslovima definisanim u smjernicama javnog poziva. Mala poljoprivredna gazdinstva mogu se prijaviti na dolazeći javni poziv koji će biti objavljen u jesen 2019. godine i bit će realizovana u partnerstvu sa općinama i drugim socioekonomskim akterima u ruralnim područjima.
5	Ukoliko je ista osoba osnivač u dva poduzeća, da li se to smatra povezanim licima, te da li to znači da godišnji prihod od ta dva poduzeća ne smije biti veći od 5 miliona kako bi smo mogli podnijeti zahtjev?	Ukoliko je ista osoba osnivač u dva preduzeća, ta osoba se smatra povezanim licem, te će se uzeti u obzir godišnji prihod od oba preduzeća.
6	U hladnjači za duboko zamrzavanje skladištimo svoje proizvode i proizvode naših kooperanata. Planiramo nabavku linije i opreme za sortiranje, kalibriranje, pakovanje i obilježavanje istih. Da li projekat podržava ovu aktivnost, tj. da li je prihvatljiv ovaj prijedlog, obzirom da se radi o zamrznutim proizvodima?	Investicija u hladnjaču za duboko smrzavanje nije prihvatljiva investicijau skladu sa Smjernicama za javni poziv za mjeru podrške poljoprivrednim gazdinstvima. Investicije u hladnjače za smrzavanje voća i povrća će biti prihvatljive kroz javni poziv za podršku preradi čija se objava očekuje sredinom 2019. godine.
7	Molimo Vas da nam odgovorite da li kao akcionarsko društvo možemo aplicirati na projekat EU4Business, te u prilogu šaljem listu većih akcionara kako bi vam bila jasnija slika akcionarske strukture.	Akcionarska društva mogu se prijaviti na javni poziv ako ispunjavaju sve kriterije i uslove definirane u smjernicama javnog poziva za mjeru podrške poljoprivrednim gazdinstvima.
8	Za koju godinu se uzima ekonomska procjena projekta (radni list 9. Ekonomska procjena projekta iz Priloga 2a)?	Ekonomska procjena se uzima za reprezentativnu godinu, a Kriterij za izbor reprezentativne godine je godina potpune iskorišćenosti poslovnog kapaciteta projekta, tokom trajanja projekta.

<p><b>9</b></p>	<p>Aplikant ima registrovano gazdinstvo na svoje ime, te je ujedno osnivač jedne nove Zadruga. Prva opcija je da aplicira kao gazdinstvo i da u procesu apliciranja podnese zahtijev za registraciju SP-a. Druga ideja je da prepíše dio vlastite imovine na Zadrugu i da Zadruga bude aplikant. Zadruga trenutno nema vlastite imovine, kao ni značajnijih poslovnih aktivnosti. Međutim, ukoliko svi osnivači prepíšu dio vlastite imovine na Zadrugu, u mnogome se povećava kredibilitet Zadruga kao i pouzdanost njenih osnivača u smislu održivosti. Da li bi pomenuta Zadruga bila prihvatljiv aplikant?</p>	<p>I prva i druga opcija (poljoprivredno gazdinstvo i zadruga koji su upisani u registar gazdinstva) mogu se prijaviti na javni poziv. Potrebno je samo odlučiti koja je vam najbolja opcija da ispunite ostale uslove i kriterije javnog poziva.</p>
<p><b>10</b></p>	<p>Može li se poduzeće koje se bavi nabavkom, skladištenjem i mljevenjem pšenice javiti na javni poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja) za investiciju izgradnje silosa za pšenicu?</p>	<p>Preduzeće koje se bavi nabavkom, skladištenjem i mljevenjem pšenice ne može se prijaviti na javni poziv. Javni poziv se odnosi isključivo na primarnu proizvodnju.</p>
<p><b>11</b></p>	<p>Mi smo firma koja se bavi proizvodnjom tj. uzgojem grožđa i posjedujemo po Ugovoru o koncesiji cca 203 ha poljoprivrednog zemljišta, s tim da je na cca 180 ha posađena vinova loza, a ostalih cca 20 ha je slobodna površina. Da li možemo da apliciramo sa projektom izgradnje sistema za navodnjavanje na 30 ha zasada vinove loze ?</p>	<p>Vaša firma, na osnovu navedenog, ne ispunjava posebne kriterije prihvatljivosti podnosioca prijave u skladu sa tačkom 2.7.2. - Gazdinstvo, obrt, zadruga ili preduzeća mora imati na stanju od minimalno 1 hektara do maksimalno 50 hektara vinograda.</p>
<p><b>12</b></p>	<p>Ukoliko je predmet investicije nabavka mehanizacije, konkretno za pod-sektor proizvodnje mlijeka, da li je potrebno dostaviti građevinsku dozvolu za objekat iako to nije predmet investicije, a s obzirom da specifičnost je u tome što nabavka mehanizacije ne implicira postojanje poslovnog objekta za smještaj iste. Konkretno, radi se o cisterni za transport osoke i tečnog stajnjaka koja je mobilna i ne zahtijeva dodatnu instalaciju opreme u objekat da bi služila svrsi.</p>	<p>Za mehanizaciju i opreme koji ne zahtijevaju građevinske radove za koje je potrebna građevinska dozvola, u skladu sa važećim zakonima, nije potrebno dostaviti građevinsku dozvolu u prijavi za javni poziv.</p>

<p><b>13</b></p>	<p>Pitanje se odnosi na Poslovni plan -Prilog 2a, radni list 8.7 Novčani tok i glasi: 1. Pod tačkom 3. nije jasno šta je ostatak vrijednosti projekta.</p> <p>2. Odlivi novca nisu jasno označeni, pa u tačkama 6. i 7. (Ulaganja u obrtnu imovinu i Materijalna i nematerijalna imovina) nije jasno na što se to odnosi. Molim pojašnjenje.</p>	<p>1. Ostatak vrijednosti projekta je ostatak vrijednosti nabavljene imovine umanjeno za troškove amortizacije koji će nastati tokom trajanja projekta (5 godina), odnosno predstavlja vrijednost nabavljene stalne imovine koja je predmet investicije minus zbir iznosa amortizacije te nabavljene imovine u 5 godina (trajanje projekta). Također vrijednost ostatka projekta možete pronaći u tabeli obračun amortizacije.</p> <p>2. Ulaganja u obrtnu imovinu se odnose na ulaganja potrebna za realizaciju projekta predmeta investicije, a knjiži se pod tačkom 6. ukoliko se ne mogu svrstati u materijalne i nematerijalne troškove. Materijalni i nematerijalni troškovi se odnose na sve troškove inputa, usluga energije i drugih troškova iz table 3.4. Struktura materijalnih i nematerijalnih troškova.</p>
<p><b>14</b></p>	<p>Moje pitanje se odnosi na to da li je u slučaju da je korisnik (aplikant) za grant pravno lice u ovom slučaju SP, a vlasnik (istog) pravnog lica je osoba sa invaliditetom da li može dobiti benefit kod ocjenjivanja za dobijanje po tom osnovu. Ili je taj benefit samo za fizička lica?</p>	<p>Vlasnik samostalnog preduzetnika (ovlašteno lice koje je upisan u registar gazdinstva) ako je osoba sa invaliditetom može imati dodatne bodove prilikom bodovanje projekata u skladu sa tabelom za bodovanje u skladu sa tačkom 4.2. Smjernica javnog poziva.</p>
<p><b>15</b></p>	<p>Možete li mi dati smjernice gdje mogu da se obratim za donaciju stocnih grla bilo bespovratna sredstva ili neki normalni vid kreditiranja.</p>	<p>Pratite javni poziv koji se odnosi na mala gazdinstva i koji će biti realiziran u saradnji sa općinama ili lokalnim akcionim grupama. Javni poziv će biti objavljen u jesen 2019. godine u okviru projekta EU4Business.</p>
<p><b>16</b></p>	<p>Predat prijavni obrazac za uzgoj ovaca, koza ili preradi (Kasumi - Vinac, općina Jajce)-nepotpuna dokumentacija.</p>	<p>Prijava mora biti u skladu sa Smjernicama javnog poziva i treba obuhvatiti svu traženu dokumentaciju, uključujući i poslovni plan.</p>
<p><b>17</b></p>	<p>Da li se rasadnik koje se bavi proizvodnjom presadnica povrća može aplicirati za ovaj tender koji ističe 27.03.2019.?</p>	<p>Rasadnik koje se bavi proizvodnjom presadnica povrća može se prijaviti na javni poziv ukoliko ispunjava sve uslove i kriterije koji su navedeni u Smjernicama javnog poziva.</p>
<p><b>18</b></p>	<p>Pokrenuo bih farmu ovde kod sebe u Tomislavgradu, ali problem su novci. Pa bih vas zamolio za informaciju da li mogu kao fizičko lice sudjelovati u ovom programu poticanja.</p>	<p>Možete se prijaviti na javni poziv kao fizičko lice nosilac gazdinstva koji upisan u registar ukoliko ispunite i druge uslove i kriterije navedene u Smjernicama javnog poziva.</p>
<p><b>19</b></p>	<p>U pismu namjere sufinansiranja projekta stoji da će aplikant svoje učešće od 40 posto obezbjediti u roku od 30 dana. Da li to znači da novac mora biti na racuni u roku 30 dana?</p>	<p>Sufinansiranje kako stoji u pismu namjere ne mora značiti isključivo da morate imati novac na računu u roku od 30 dana od obavijesti da je prijava odobrena za finansiranje, nego dovoljno je dostaviti dokaz da ćete imati sredstva za sufinansiranje u roku od 30 dana kao npr. dokaz da Vam je odobren kredit, i da ćete imati raspoloživa sredstva u roku od 30 dana.</p>

<p><b>20</b></p>	<p>Prijedlog projekta(Ideja)-IZGRADNJA:</p> <p>a) Proširenje kapaciteta farme: Izgradnja nove štale iste namjene (tov junadi-proizvodnja mesa) + bazen za oseku i prostor za odlaganje đubriva + proširenje skladišnog prostora + nabavka stroja za čišćenje farme + nabavka silosa za hranu/nabavka mikserice</p> <p>b) Izgradnja nove farme druge namjene (primjer: izgradnja farme za muzne krave-proizvodnja mlijeka) +proširenje skladišnog prostora za hranu + sva oprema vezana za skladištenje i držanje mlijeka + cisterna za transport mlijeka (C kategorija)</p> <p>1) Da li je prihvatljiva investicija/projekt izgradnja nove štale iste ili druge namjene + prostora za odlaganje đubriva i bazen za oseku + dodatnog skladišnog prostora + nabavka opreme?</p> <p>2) Postoji li problem zbog iznajmljivanja postojeće štale, obzirom da je vlasnik junadi koja se trenutno tovi u štali registriran kao d.o.o i vezan je za tu štalu ugovorom o najmu sa mnom (podnosioc prijave) budući da ću se ja kao fizičko lice morati registrirati kao obrt/preduzeće.</p> <p>3) Koji su mogući načini samofinansiranja obzirom da sam prvostupnik ekonomije za što sam i dobio diplomu, te sam upisan kao redovit student na diplomski jednogodišnji master studij? Postoji li mogućnost uzimanja pozajmice od strane trčce osobe (bilo fizičke ili pravne), primjer: sredstva pozajmio otac i/ili prijatelji, obzirom da sam nezaposlen?</p>	<p>1. Sve pomenute investicije pod tačkom a) su prihvatljive osim cisterne za prijevoz mlijeka u skladu sa prilogom 5. Smjernica javnog poziva.</p> <p>2. Možete podnijeti prijavu sa projektom izgradnje nove štale, prostora za odlaganje stajnjaka i osoke, skladišnog prostora (ukoliko imate već građevinsku dozvolu za izgradnju pomenutih objekata u skladu sa tačkom 2.7.1. i nabavke opreme u skladu sa prilogom 5. podsektor mlijeka ukoliko ispunite sve ostale uslove definisane u Smjernicama javnog poziva. Možete se prijaviti na javni poziv kao fizičko lice koje je upisano u registar gazdinstva kao nosilac istog i prilikom prijave morate dostaviti dokaz da je pokrenut proces registracije gazdinstva u obrt/preduzetnik ili preduzeće kako je navedeno u tački 2.7.1 pod Općim kriterijima koje dodatno moraju ispuniti podnosioci prijava koji su fizička lica.</p> <p>3. Izvor finansiranje može biti kredit ili pozajmica ili vlastita sredstva.</p>
<p><b>21</b></p>	<p>Pišem Vam u ime XXX (ime poznato UNDP-u) preduzeća koje se bavi proizvodnjom čajeve organskog porijekla, krema i drugih biljnih preparata koji se koriste u medicinske svrhe a i u redovnoj upotrebi za održavanje higijene i kozmetičkih preparata. Treba mi informacija da li trenutno postoje projekti ili grantovi u kojim je Vaša organizacija partner i da li bi se mogla ostvariti jedna vrsta saradnje?</p>	<p>Javni poziv se odnosi na mjeru za podršku poljoprivrednim gazdinstvima. Ljekovito bilje nije prihvatljiv pod-sektor po ovom javnom pozivu.</p>

<p><b>22</b></p>	<p>U okviru točke 2.8.2. navedeno je da je nabava komunikacijskog uređaja, hardvera i softvera prihvatljiv trošak. Međutim, u Prilogu 5. Lista prihvatljivih investicija za mjeru podrške poljoprivrednim gazdinstvima pod kategorijom 3 - MESO nije navedeno da je nabava komunikacijskog uređaja, hardvera i softvera prihvatljiv trošak. Pitanje: Je li nabava komunikacijskog uređaja, hardvera i softvera prihvatljiv trošak u okviru ovog projekta?</p>	<p>Nabavka komunikacijskog uređaja, hardvera i softvera je prihvatljiva investicija kako je navedeno u tački 2.8.2. a odnosi se na sve ciljane podsektore za finansiranje, ukoliko doprinosi unapređenju procesa poslovanja integracije inovacije u njemu.</p>
<p><b>23</b></p>	<p>Firma se bavi proizvodnjom tovnih pilića. Želi da investira u slijedeće:</p> <ul style="list-style-type: none"> <li>- izgradnja bunara jer postojeći kapaciteti sa vodosnabdijevanjem ne zadovoljavaju potrebe farme;</li> <li>- izgradnja objekta za smještaj/odlaganje slame koja se koristi kao prostirka na farmi (da li je neophodno da taj objekat ima građevinsku dozvolu prije apliciranja na javni poziv ili bi bila dovoljna urbanistička saglasnost, a ukoliko projekat prođe na Javnom pozivu, onda bi se išlo na pribavljanje građevinske dozvole) - da li bi to bilo prihvatljivo?</li> <li>-izgradnja ograde oko farme sa kapijom na ulazu farme (u Javnom pozivu piše da je prihvatljiva investicija Izgradnja fiksnih ograda oko farme - pa vas ljubazno molim da definišete šta znači fiksna ograda). Investitor bi želio da ogradi Farmu sa postavljanjem betonskih stubova i metalnom žicom.</li> <li>- nabavka Mašine za utovar stajnjaka - ta mašina ima kašiku za utovar i transport stajnjaka zajedno sa slamom nakon što se turnus završi, ali isto tako bi ova mašina bila korištena i za utovar gajbi sa utovljenim pilićima jer na sebi ima viljušku za takvu vrstu utovara i njihov transport - da li bi nabavka ove mašine bila prihvatljiva investicija?</li> </ul>	<ol style="list-style-type: none"> <li>1. Izgradnje bunara je prihvatljiva investicija u skladu sa prilogom 5. Smjernica javnog poziva.</li> <li>2. Izgradnje objekata koje ste naveli u Vašem pitanju su prihvatljive investicije, međutim potrebno je dostaviti važeću građevinsku dozvolu prilikom prijave.</li> <li>3. Pod izgradnjom fiksne ograde misli se na fiksnu ogradu pričvrstenu na stubovima ili izgrađenu od nekog građevinskog materijala.</li> <li>4. Nabavka namjenskog utovarivača za stajnjak (mašina sa kašikom) je prihvatljiva investicija.</li> </ol>

<b>24</b>	<p>1. U dokumentaciji se kaže da obrazac za prijavu potpisuje "ovlašteno lice (vlasnik)". Pitanje: Logično bi bilo da potpisuje lice ovlašteno za zastupanje, ali bolje da provjerimo, ko potpisuje?</p> <p>2. U dijelu 2.7.3. "Kvalitativni kriterijumi" se navodi da je jedan od njih - "podnosilac prijave je žena" - moj prijatelj je vlasnik i spreman je da svoju ženu imenuje za direktora (kao lice ovlašteno za zastupanje. Pitanje: da li je dovoljno da žena bude imenovana za direktora (lice ovlašteno za zasupanje) ili je neophodno da bude vlasnik, odnosno ima dio vlasništva u firmi?</p> <p>3. Pošto se radi o vinogradarskoj proizvodnji, a sezona radova počinje uskoro (april) , moj prijatelj svakako mora izvršiti ulaganje u nove zasada i infrastrukturu za zaštitu od grada. Prepostavljam da će procedura odobravanja trajati par mjeseci. Pitanje glasi: da li sredstva mogu biti isplaćena naknado, nakon izvršenih radova u vidu refundiranja sredstava ili se sredstva odobravaju samo za proizvodnju i radove koji će se obaviti nakon odobravanja. Žena koja je zaposlena kao tehnolog bi bila imenovana za direktora, a ima manje od 40 godina. Struktura vlasništva se ne bi mijenjala.</p>	Molimo Vas da odgovore na Vaša pitanja pogledate na linku pod Odgovorima na postavljena pitanja (pristigla u periodu od 7. do 13. februara 2019. godine) pod brojem 36.
-----------	---	---

<p><b>25</b></p>	<p>U posjedu smo 7 farmi za uzgoj tovnih junadi, gdje smo pri izgradnji istih predvidjeli ugradnju solarnih panela na krovove dvije farme, a u cilju smanjenja samopotrošnje.</p> <p>1. Ako solarni sistemi za smanjenje samopotrošnje spadaju u prihvatljive investicije onda je potrebno napraviti izuzetak u uvom slučaju u pogledu godina isplativosti pošto se nigdje na svijetu ne mogu isplatiti za 5 godina. Životni vijek solarnih panela je 25-30 godina i jednostavno nema logike traziti isplativost.</p> <p>2. Ako se radi o tovu junadi, tj proizvodnji mesa i planira se postavljanje solarnih panela na krov od dvije farme, da li je potrebno ispunjavati onoliki biznis plan i podatke o broju junadi, ishrani itd. ako znamo da je impact smanjenje samopotrošnje i da je potpuno odvojeno od proizvodnje u tom smislu. Jedina veza je u smanjenju cijene proizvodnje i to isključivo smanjenjem utrošene električne energije.</p> <p>3. Da li će se razmatrati naša prijava sa svim uredno poslatim dokumentima, a koja je popunjena samo u onom dijelu koji se i tiče smanjenja samopotrošnje. Da drugačije postavim pitanje, da li je neophodno ispunjavati podatke koji nemaju veze sa projektom?</p>	<p>1. Investicije po javnom pozivu u obnovljive izvore energije uključujući ugradnja solarnih panela za proizvodnju solarne energije se odnose na ciljani podsektori poljoprivredne proizvodnje: voće, povrće, mlijeko i meso. Dakle opravdanje investicije mora poteći i iz samog poslovanja u pomenutim podsektorima, a ne samo iz poslovanja kroz proizvodnju solarne energije.</p> <p>2. Potrebno je dostaviti sva tražena obavezna dokumenta, ispuniti opće i posebne kriterije i opravdanost investicije putem izrade poslovnog plana koji se odnosi na poslovanje na gazdinstvu, što je u Vašem slučaju proizvodnja mesa.</p> <p>3. Javni poziv se odnosi na podršku poljoprivrednim gazdinstvima, a ne proizvodnji enegije iz obnovljivih izvora. Kako je gore navedeno, oprema za proizvodnju solarne energije je prihvatljiva investicija, ali se mora opravdati kroz cjelokupno poslovanje na gazdinstvu i potrebno je ispuniti sve ostale uslove i dostaviti sva tražena dokumenta i informacije.</p>
<p><b>26</b></p>	<p>1.Pitanja u vezi Obrasca poslovnog plana (Prilog br. 2)</p> <p>a) U Obrascu poslovnog plana u tabelama 3.2. Struktura i obim proizvodnje i 3.3. Trošak ulaznih materijala, u obrazloženju tabela je navedeno da se unose fizički podaci (jedinice mjere i količine), a u zaglavlju tabele piše „Projekcije (KM)“. Da li je ovo greška, jer oznaka „KM“ može biti samo konvertibilna marka, a projekcije se kako je navedeno, unose u fizičkim jedinicama, a ne finansijskim. Isti je slučaj i sa tabelom 8.1. Prodajne količine;</p> <p>b) Tabela 3.4. Struktura i dinamika materijalnih i nematerijalnih troškova navedeno je da troškovi materijalnih inputa moraju biti u skladu sa količinama navedenim u prethodnoj tabeli. Da bi se napravila matematička poveznica,</p>	<p>1. Odgovori na postavljena pitanja u vezi Obrasca poslovnog plana:</p> <p>a) Ustanovljena je greška u tabelama 3.2. i 3.3. gdje treba da stoji jedinica mjere, a ne KM kako ste naveli. Ispravljeni obrazac je postavljan na projektnu web stranicu.</p> <p>b) Tabelu 3.4 Struktura i dinamika materijalnih i nematerijalnih troškova ne treba mijenjati niti dodati kolonu sa cijenama. Za dodatne kalkulacije možete koristiti pomoćne table ili druge posebne Excel tabele za izračunavanje troškova na osnovu fizičkih podataka iz prethodne table koje je potrebno obrazložiti u opisnom dijelu poslovnog plana.</p> <p>- c) Poželjno je dodati ispod svake table dodatno obrazloženje ukoliko je potrebno, a isto tako i u opisnom djelu poslovnog plana potrebno je objasniti</p>

<p>posebno pri popunjavanju Excel tabela potrebno je ubaciti kolonu sa cijenama. Da li je dozvoljeno dodavati dodatne tabele ili kolone ukoliko se ukaže potreba, kao u ovom slučaju;</p> <p>c) U Obrascu poslovnog plana je predviđeno da se narativ piše u tačno određenim odjeljcima, da li je dozvoljeno da se napiše dodatno objašnjenje za tabele, ukoliko se ukaže potreba, a u cilju jasnijeg razumijevanja od strane evaluatora. Naime, struktura i logika tabela je tako sačinjena da se troškovi unose prema godini u kojoj su nastali dok se dio prihoda od prodaje učinaka koji sadrže te troškove ostvaruju u narednoj kalendarskoj godini (prenesene zalihe). Rijetko koje poljoprivredno gazdinstvo ili preduzeće ima toliko razvijen računovodstveni sistem da vrši tzv. Sučeljavanje prihoda i rashoda na stvarno obračunskoj osnovi, zbog čega je potrebno dati određena pojašnjenja, posebno npr. u tabeli 8.6. Bilans uspjeha koja sublimira sve podatke iz prethodnih tabela;</p> <p>2.Pitanje u vezi sa iznosom donacije</p> <ul style="list-style-type: none"> <li>- Ukoliko aplikant traži maksimalan iznos donacije (195000 KM), da li će Projekat/UNDP tražiti korekciju poslovnog plana (na niži iznos donacije) ukoliko je projekat prihvatljiv i pozitivno ocijenjen te visoko rangiran, ali zbog nedovoljno sredstava ne može biti finansiran u punom iznosu;</li> </ul> <p>3.Pitanje u vezi sa površinama upisanim na ime nosioca gazdinstva</p> <p>Aplikant u momentu pisanja i razrade poslovnog plana ima upisanih npr 10 ha koje obrađuje, ali planira dokupiti u narednim godinama još npr. 10 ha na bazi investicije (po projektu) koja mu omogućava proširenje proizvodnje i čini isplativom investiciju. Da li je ovo legitimno- znači u momentu apliciranja ima 10 ha upisanih u registar gazdinstava, ali tokom implementacije u skladu sa dinamikom poslovnog plana dokupljuje ili zakupljuje dodatne površine te u narednim godinama iste i prijavljuje u registar PPG. Ovo nam je važno zbog projekcija u poslovnom planu, koje se predviđaju na osnovu dodatnih površina.</p>	<p>i obrazložiti stanje i/ili pojedinačne stavke (ukoliko je potrebno).</p> <p>2. Podnosilac prijave treba da traži realan iznos za finansiranje putem ovog javnog poziva. Projeakt neće dozvoliti veće odstupanje odobrenog iznosa bez adekvatnog obrazloženja.</p> <p>3. Možete predvidjeti povećanje zasijanih ili zasađenih površina kupovinom ili zakupom zemljišta, ali svako povećanje mora biti realno i morate prikazivati troškove koji će nastati zbog pomenutog povećanja.</p>
---	--

**Odgovori na postavljena pitanja u vezi javnog poziva koja su pristigla u periodu od 5. do 12. marta 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	<p>Mi smo porodica sa četvero djece. Bavili bi se poljoprivredom i stočarstvom, ali su nam potrebna značajna finansijska sredstva te mašine za obradu zemlje, alati i materijal za postavljanje objekata za stoku. Oboje smo na birou trenutno. Imamo dvije koze koje smo nabavili za svoje potrebe, a za proširenje stada nemamo mogućnosti. Svaka pomoć u tom smislu bi nam dobro došla</p>	<p>Javni poziv se odnosi na podršku većih poljoprivrednih gazdinstva koji imaju kapacitet apsorpcije za bespovratna sredstva minimalno od 97,000 KM pod uslovom da obezbjeđuju minimalni iznos sufinansiranja od 64,000 KM. Preporučujemo Vam da sačekate javni poziv koji se odnosi na podršku malim gazdinstvima. Isti će biti objavljen u jesen 2019. godine u partnerstvu sa općinama i drugim socioekonomskim akterima u ruralnim područjima.</p>
2	<p>Prilikom aplikacije kao odgovorna osoba da li mora biti vlasnik firme ili može neko drugo ovlašteno lice koji je uposlenik firme i vodi proizvodnju?</p>	<p>Pogledajte odgovor pod brojem 36 pod Odgovori na postavljena pitanja (pristigla u periodu od 7. do 13. februara 2019. godine) koji se nalazi na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p>
3	<p>Željela bih Vas pitati u vezi javnog poziva "Poziv potencijalnim korisnicima bespovratnih sredstava za mjeru podrške poljoprivrednim gazdinstvima (primarna proizvodnja)" ko ima pravo aplicirati tj. mi smo firma XXX (ime poznato UNDP) i bavimo se otkupom i preradom jagodičastog voća i otkupnom šumskih plodova i gljiva, pa da li mi imamo pravo aplicirati?</p>	<p>Javni poziv se odnosi isključivo na podršku poljoprivrednim gazdinstvima (primarna proizvodnje). Firma poput Vaše koja se bavi otkupom i preradom jagodastog voća se ne može prijaviti na ovaj javni poziv. Možete se prijaviti na javni poziv za podršku preradi i marketingu čija objava je planirana sredinom 2019. godine u okviru projekta EU4Business, oblast poljoprivrede, hrane i ruralnog razvoja.</p>

4	<p>Imam pitanje vezano za prijavu na Javni poziv za mjeru podrške poljoprivrednim gazdinstvima. Naime, iz Smjernica je jasno da fizičko lice, odnosno nosilac poljoprivrednog gazdinstva, koje se prijavljuje na javni poziv mora da bude registrovan kao SP ili da dostavi potvrdu da je proces registracije pokrenut. Da li ovo vrijedi i za slučaj kada lice nije registrovano kao nosilac poljoprivrednog gazdinstva, tj. gazdinstvo još nije registrovano, odnosno da li je za prijavu prihvatljiva i potvrda da je proces registracije gazdinstva u toku?</p>	<p>Može se prijaviti samostalni preduzetnik koji se tek ove godine registrirao u registar gazdinstva ili je registracija u toku pod uslovom da ispuni opće i posebne kriterije kako je navedeno u tačkama 2.7.1. i 2.7.2. Smjernica javnog poziva. Potrebno je obratiti pažnju na posebne kriterije.</p>
5	<p>Planirali smo se javiti na javni poziv s programom: izgradnja hale s hladnjačom za voće i manipulativnim prostorom. Imamo 2,05 ha nasada jabuke i planiramo praviti hladnjaču. Ukoliko bi prošli na javnom pozivu to bi bila hala površine 800m<sup>2</sup> i hladnjača za 200.000 kg voća. Ukoliko ne bi prošli na javnom pozivu u svakom slučaju krećemo u investiciju, ali u manjim dimenzijama.</p> <p>Pitanje je da li je obavezno imati građevinsku dozvolu u trenutku prijave, jer ne znamo koliko ćemo u konačnici praviti. Planirali smo pripremiti urbanističku dozvolu na opciju da prolazimo i ukoliko sve bude u redu odmah bi rješavali građevinsku dozvolu.</p>	<p>Obavezno je imati građevinsku dozvolu za izgradnju objekta prilikom prijave na javni poziv u skladu sa tačkom 2.7.1. Opći kriteriji koji važe za sve podnosiocima prijava: objekat koji je predmet investicije ili u koji će se instalirati planirana oprema, posjeduje važeću građevinsku dozvolu izdatu od nadležnih organa u FBiH, RS i BD BiH (dokaz: dostavljena važeća građevinska dozvola).</p>
6	<p>Nije sasvim jasan prilog 2.b.Tabele. Sve tabele se nalaze u Poslovnom planu. Da li to znači da ih posebno treba priložiti u Excelu ili ne?</p>	<p>Prilog 2b ne postoji. Potrebno je priložiti popunjen rilog 2a - Poslovni plan, koji sadrži tabele u Excel formatu.</p>
7	<p>Poštovani, da li može aplicirati firma koja je registrovana u 2019.g. i registrovat će se u registru gazdinstava u Brčko distriktu i ima namjeru kupiti silo kombajn i toviti preko 20 junadi?</p>	<p>Firma koja je registrovana u 2019. godini i registrirati će se u registar gazdinstva može se prijaviti na javni poziv ukoliko ispunjavate ostale uslove definisane u Smjernicama javnog poziva.. Međutim morate voditi računa da se nabavka odnosi na silažni kombajn jer je on jedino dozvoljen kao investicija. Posebna pažnja mora se dati na opravdanost investicija kroz poslovni plan.</p>

<p><b>8</b></p>	<p>U pitanju je javni poziv za poljoprivredne proizvođače, gdje je jedan od obaveznih dokumenata koji treba da se prilože Potvrde o izmirenim obavezama za direktne i indirektne poreze. Klijent ima te potvrde koje je izvadio prošle sedmice jer su mu trebale za izdavanje licenci za kamione jer se između ostalog bavi i transportom pored proizvodnje brojlera. Znači imaju ovjerene kopije tih Potvrda ali na njima piše da su izdate u svrhu dobijanja licence. Moje pitanje je bilo da li se mogu te potvrde iskoristiti i priložiti ili klijent mora da vadi nove na kojima će pisati da su u svrhu prijave na Javni poziv EU4Busines.</p>	<p>Potvrde koje imate se mogu koristiti i za ovaj javni poziv. Nema potrebe da vadite nove potvrde ukoliko se materijalno stanje lica nije promijenilo.</p>
<p><b>9</b></p>	<p>U vezi sa općim kriterijem navedenim pod tačkom 2.7.1. Programa, a koji se odnosi na to da objekat ili zemljište na kojem će se investicija realizovati mora biti „pod“ ugovorom o zakupu najmanje 10 godina – znači li to da ako podnosilac prijave ima namjeru po ovom Programu nabaviti npr. sušnicu žitarica, da je podnosilac prijave u obavezi, konkretno, imati Ugovor o zakupu zemljišta na najmanje 10 godine na kojem će uzgajati te žitarice, iako je zemljište na kojem bi se gradio objekta za skladištenje žitarica i u kojem bi bila smještena sušnica u vlasništvu podnosioca prijave?</p>	<p>Zemljište na kojem sadite mora biti prijavljeno u registar. Za izgradnju, ukoliko ste vlasnik zemljišta na kojem će biti izgrađeni planirani objekti, ne treba Vam ugovor o zakupu. Važno je da ispunjavate i ostale uslove Smjernica javnog poziva, uključujući posjedovanje važeće građevinske dozvole kako je navedeno u tački 2.7.1.</p>

<p><b>10</b></p>	<p>Je li sljedeće prihvatljiv trošak u sektoru stočarstva:</p> <p>Izgradnja električnih ograda na pašnjacima koji se sastoje od sljedećih komponenti i karakteristika:</p> <p>1) Čvrstih masivnih drvenih stupova (promjer 20 cm) zabijenih u zemlju svakih 15 metara.</p> <p>2) Dva metalna stupa zabijena u zemlju između svaka dva drvena stupa iz točke (1).</p> <p>3) Ne koristi se beton, ali drveni stupovi su bagerom i hidrauličkim čekićem zabijeni u zemlju 1 metar duboko, dakle radi se o trajnom rješenju.</p> <p>4) Električna žica pod naponom usklađenim s EU pravilima o zaštiti životinja (max 19 J, s 1 s odgode impulsa) za čuvanje životinja unutar pašnjaka i odbijanje predatora za ulazak u pašnjak. Nomadski tradicionalni način stočarske proizvodnje s pastirrom (čobanom) bez ograda i pregonskih pašnjaka predstavlja zastarjeli i nekonkurentni sustav proizvodnje s kojim se ne može ostvariti niti minimalna razina konkurentnosti niti se može kontrolirati selekcija, zdravlje niti razmnožavanje životinja. Također, na taj način ne može se na održiv način upravljati prirodnim resursima (uništenje pašnjaka). Korištenje ograda preduvjet je za konkurentnu primarnu proizvodnju u stočarstvu.</p>	<p>Izgradnja električnih ograda na pašnjacima je prihvatljiva investicija koja uključuje stavke koje ste naveli kako slijedi:</p> <p>1) Čvrsti masivni drveni stupovi (promjer 20 cm) zabijenih u zemlju svakih 15 metara.</p> <p>2) Dva metalna stupa zabijena u zemlju između svaka dva drvena stupa iz točke (1).</p> <p>3) Ne koristi se beton, ali drveni stupovi su bagerom i hidrauličkim čekićem zabijeni u zemlju 1 metar duboko, dakle radi se o trajnom rješenju.</p> <p>4) Električna žica pod naponom usklađenim s EU pravilima o zaštiti životinja (max 19 J, s 1 s odgode impulsa) za čuvanje životinja unutar pašnjaka i odbijanje predatora za ulazak u pašnjak.</p> <p>Takva investicija se može svrstati kako izgradnja objekata za smještaj stoke (ovce, krave ili janade) u slobodnom držanju.</p>
<p><b>11</b></p>	<p>Detaljno pregledavši vaš javni poziv, ali i pitanja koja su do sada postavljena nisam mogao dobiti odgovor na sljedeće pitanje: da li je moguće usljed povoljnije cijene kupiti postojeći objekat za tov pilića, pri čemu cijena odgovara ukupnoj visini investicije koja je zahtjevana u ovom javnom pozivu?</p> <p>Vjerujem da je ova mogućnost predviđena ovim javnim pozivom, obzirom da postoje određeni kapaciteti koji nisu privredno dobro iskorišteni te bi uz unapređenje istih ekonomska isplativost bila znatno bolja od izgradnje novih kapaciteta. Naime detaljnim proračunom, u našoj kompaniji smo zaključili da bi bilo isplativije kupiti postojeći objekat za tov pilića nego izgradnja novog.</p>	<p>Kupovina zemljišta i izgrađenih objekata nisu prihvatljivi troškovi i investicije u skladu sa tačkom 2.8.3. Smjernica javnog poziva i time se ne možete prijaviti na javni poziv.</p>

<p><b>12</b></p>	<p>1. Zanima me da li je nabavka kombajna za žetvu žitarica i uljarica prihvatljiva investicija?  2. Posjedujemo objekat „podno skladište za žitarice“ koji ima građevinsku dozvolu izdatu 2014.g., da li na osnovu tog objekta i te dozvole mogu aplicirati za kupovinu stabilne protočne sušare i opreme za transport žitarica do i od sušare. Da li moram imati gradjevinsku dozvolu isključivo za sušaru?</p>	<p>1. Nabavka kombajna za žetvu žitarica i uljarica nije prihvatljiva investicija u skladu sa prilogom 5. Smjernica javnog poziva.  2. Možete se prijaviti na javni poziv za kupovinu stacionarne sušare i opremu za transport žitarica na osnovu objekta koji posjeduje građevinsku dozvolu pod uslovom da je objekat namjenjen za stacionarne sušare te ukoliko zakon ne predviđa dozvolu za dogradnju ili nešto slično. Savjetujemo Vas da se konsultujete sa Odjelom za urbanizam u opštini.</p>
<p><b>13</b></p>	<p>Interesuju me sljedeće informacije:  1. Da li je ograničen period otplate kredita ako je ekonomski vijek projekta 5 godina? Pitam iz razloga što se u potpunosti mijenja kalkulacija (prihoda, troškova) ukoliko se npr. podiže kredit na 10 godina jer su manji troškovi kamata, tj. manji ukupni rashodi i bolji pokazatelji koje ste postavili u tački 9 Ekonomska ocjena projekta Priloga 2.  2. Da li se teleskopski utovarivač (mašina za utovar čvrstog stajnjaka u farmi) može koristiti za pružanje usluga drugim farmerima s ciljem zapošljavanja jednog radnika, diverzifikacije proizvodnje i rasta prihoda?</p>	<p>1. Period otplate kredita nije ograničen na 5 godina kao ekonomski vijek projekta. U bilans stanja ćete prikazati finansijske troškove (odnosno troškove kamata) koji se odnose na godine trajanja projekta, a u toku gotovine ćete prikazivati anuitet kredita koji se odnosi na godine trajanja projekta.  2. Teleskopski utovarivač (mašina za utovar stajnjaka) i za poljoprivrednu primjenu u stočarstvu (hranidba, rasprostiranje stelje, čišćenje stajskog gnojiva, utovar / istovar žitarica, gnojiva i drugog rasutog tereta i slično) je prihvatljiva investicija u skladu sa Prilogom 5 Smjernica javnog poziva, ukoliko se ne radi o klasičnom bageru. Obratite pažnju da morate prvo ekonomski opravdati predmetno ulaganje kroz poslovanje Vaše farme prije nego što pružite usluge drugim farmerima radi povećanja prihoda.</p>
<p><b>14</b></p>	<p>Pitanje se odnosi na Prilog 2a Poslovni plan- tačka 9. Ekonomska ocjena projekta:  a) Kod izračunavanja stope akumulativnosti nejasno je koja se vrijednost investicije uzima u obzir- da li početna vrijednost investicije iz 2019 ili vrijednost ostatka investicije za tu godinu za koju radimo ekonomsku ocjenu projekta?  b) Vrijeme povrata investicije koja se vrijednost investicije uzima u obzir? Da li početna investicija iz 2019. godine ili ostatak investicije u godini kada se racuna ekonomska ocjena projekta?</p>	<p>a) Kod izračunavanja stope akumulativnosti uzima se u obzir iznos ukupne investicije na početku projekta iz tabele 8.4. Struktura i dinamika ulaganja.  b) Kod računanja vremena povrata investicije uzima se u obzir ukupna investicija na početku projekta iz table 8.4 Struktura i dinamika ulaganja.</p>

15	<p>Molim Vas za informaciju da li se Projekat "Konkurentnost i inovacije: Lokalne razvojne strategije – EU4Business" odnosi i na projekte koji podrazumijevaju razvoj novog biznisa u oblasti informacionih tehnologija koja bi bila izvozno orijentisana - novoosnovano pravno lice čija je osnovna djelatnost razvoj softvera namjenjenog izvozu.</p>	<p>Ovaj javni poziv se odnosi isključivo na sektor poljoprivrede. Organizacija GIZ će objaviti javne pozive u okviru projekta EU4business iz oblasti izvozno orijentisanih sektora, uključujući informacione tehnologije. Dodatne informacije možete naći na web stranici projekta EU4Business <a href="https://eu4business.ba/">https://eu4business.ba/</a>.</p>
16	<p>Interesuje me kako aplicirati za ova nepovratna sredstva za poljoprivredno gazdinstvo i je li to moguće ikako dobiti. Šta i kako se može aplicirati za nepovratna sredstva za poljoprivredno gazdinstvo, šta sve treba iskupiti da bi aplicirao i da li je to moguće ikako dobiti.</p>	<p>Pročitajte Smjernice javnog poziva kako bi se upoznali sa uslovima, kriterijima i ostalim aspektima javnog poziva. Smjernice za podnosiocima prijave javnog poziva možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p>
17	<p>Molim Vas da objasnite u stavu 2. Pravila javnog poziva stavku 2.8.3. Neprihvatljivi troškovi, drugu tezu: "Nabavka korištene opreme i poljoprivredne mehanizacije, građevinskog materijala".</p> <p>Potrebno je da objasnite da li se ovo odnosi na korišteni građevinski materijal (polovan) ili uopšte na nabavku građevinskog materijala. Da li nabavka novog građevinskog materijala spada u prihvatljive investicijske troškove? Ako prođem na Javnom pozivu, materijal za gradnju sam planirao kupiti NEKORIŠTEN: cement, šljunak, blokove za zidanje, crijep, kreč i ostali materijal koji je potreban za gradnju objekta (štale).</p>	<p>Nabavka novog građevinskog materijala i izgradnja objekata za držanje stoke su prihvatljive investicije u skladu sa prilogom 5. Smjernica javnog poziva. Nabavke korištenog materijala i opreme nije dozvoljeno.</p>
18	<p>Muž i ja smo počeli da nabavljamo koke nosilje, imamo ih oko 20. Želimo da uzgajamo i bavimo se prodajom 100% domaćih jaja. Ne radim i nezaposlena sam. Zbog loših poslovnih mogućnosti, odlučili smo se na ovaj korak. Međutim, bilo šta da se počne, treba velika svota novca koju trenutno nemamo. Htjeli smo ići na kreditno zaduženje, međutim već imamo kredit. Za naš projekat ne treba puno novca.</p>	<p>Javni poziv se odnosi na podršku većih poljoprivrednih gazdinstva koji imaju kapacitet apsorpcije bespovratnih sredstava minimalno od 97f,000 KM pod uslovom da obezbjeđuju minimalni iznos sufinansiranja od 64,000 KM. Preporučujem Vam da čekate javni poziv koji će ciljati mala gazdinstva i koji će biti objavljen u jesen 2019. godine, a bit će realizovan u partnerstvu sa općinama.</p>

<p><b>19</b></p>	<p>Posjedujem 1ha vinograda (planiram proširivati) i 2ha maslinika. Također posjedujem obiteljski podrum godišnjeg kapaciteta cca 10 000l vina, a proizvodim i ekstra djevičansko maslinovo ulje. Interesira me tj. moja pitanja su da li sufinancirate kupnju tj. mogu li se uklopiti u Vaše javne pozive, natječaje sadašnji ili neke buduće-planirane za sljedeće:</p> <p>1.Sistemi za kontroliranu fermentaciju mošta, čuvanje vina i hladnu stabilizaciju vina te opremu za preradu grožđa (muljače, prese, pumpe,tj. oprema za mini vinariju...)?</p> <p>2.Postrojenje za preradu maslina tj. uljare?</p> <p>3.Poljoprivredna mehanizacija: voćarsko-vinogradarski traktori, atomizeri, malčeri, berači maslina, elektro škare itd.?</p> <p>4.Objekti već postoje, išao bih na proširenje, nadogradnju za mini vinariju, uljaru i preradu grožđa, da li trebaju imati građevinsku dozvolu?</p> <p>5.Da li se uklapa proširenje, uređenje ili izgradnja konobe, kušaone vina, kušaone maslinovog ulja tj. projekat agroturizma ili ruralni turizam?</p>	<p>Sadašnji javni poziv se odnosi isključivo na primaranu proizvodnju. Atomizer, malčer, berači maslina i elektro škare su prihvatljive investicije i time se možete prijaviti na javni poziv ukoliko ispunite i ostale kriterije definisane u Smjernicama javnog poziva.</p> <p>Od ostalih stavki investicija koje ste naveli u pitanju pod brojem 1, 2 i 4 mogu biti finansirane u okviru dolazećeg javnog poziva koji se planira objaviti sredinom 2019. godine.</p> <p>Agroturizam se ne finansira u okviru oblasti za koju je UNDP odgovoran (poljoprivreda, prehrana i ruralni razvoj). Pratite javne pozive koje će organizacija GIZ objaviti iz oblasti turizma. Dodatne informacije možete naći na web stranici projekta EU4Business <a href="https://eu4business.ba/">https://eu4business.ba/</a>.</p>
<p><b>20</b></p>	<p>Poštovani mene interesuje kao aplikanta na javni poziv pod sektor mljekarstvo - planirana investicija u opremu i mehanizaciju iznosi 310,813.25 KM sa PDV, a bez PDV 257,975.00 KM. Da li je iznos granta od 60% na ovu investiciju 186,487.95 sa PDV ili 154,785.00 KM bez PDV. Ako zadovoljim sve kriterije i prođem koji iznos će biti uplacen ovaj sa PDV-om ili ovaj bez PDV-a?</p>	<p>U Vašem slučaju iznos koji će Vam biti uplaćen je 154,785 KM plus PDV (60% od 257,975 KM + PDV).</p>
<p><b>21</b></p>	<p>Interesuje me da li će odabrani projekti u implementaciji, prilikom nabavki morati da provode procedure u skladu sa PRAG procedurama EU, jer se radi o sredstvima EU? Vi ste svakako naveli pravila vezana za porijeku robe koje su u skladu s PRAG-om, pa pretpostavljam da će se i nabavka realizovati u skladu s navedenim procedurama.</p> <p>Pitam iz razloga planiranja dinamike projekta i uvođenja opreme u upotrebu.</p>	<p>Prilikom nabavke opreme i mehanizacije ako je iznos iznad konkurentskog praga od 100,000 eura bez PDV, pomenuta nabavka mora biti iz lista prihvatljivih zemelja u skladu sa EU PRAG procedurom. Dodatno nakon potpisivanja ugovora, korisnik je dužan dostaviti još dvije ponude ukoliko je dostavio samo jednu ponudu kako se traži u Smjernicama javnog poziva, tačka: 3.1. pod tačkom 9.</p>

<p><b>22</b></p>	<p>U Prilogu 5 stoji:</p> <p>3.1.6. Izgradnja postrojenja za proizvodnju električne energije iz obnovljivih izvora energije za korištenje na gazdinstvu: solarna energija</p> <p>Pitanje: Fotonaponski sustavi za proizvodnju električne energije i korištenje te iste energije jesu tzv. otočni fotonaponski sustavi. Sastavni dio otočnog fotonaponskog sustava je i baterijski sustav za pohranu proizvedene električne energije kako bi se ona mogla koristiti noću ili za vrijeme oblačnih dana. Ovakvi sustavi predstavljaju jedini izvor električne energije za stočarsku proizvodnju u područjima gdje nema elektroenergetske infrastrukture (planine, itd).</p> <p>Je li fotonaponski baterijski sustav, kao dio fotonaponskog sustava, za pohranu proizvedene električne energije koja će se koristiti na gazdinstvu prihvatljiv trošak?</p>	<p>Fotonaponski sistemi za proizvodnju električne energije (uključujući i baterije) su prihvatljive investicije u skladu sa prilogom 5. Smjernica javnog poziva ukoliko ispunite i ostale kriterije javnog poziva, uključujući i ekonomsku opravdanost predložene investicije.</p>
<p><b>23</b></p>	<p>Preduzeće-doo bavi se između ostalog i tovom junadi. Da li možemo aplicirati za mehanizaciju koja je vezana za ovu proizvodnju a radi se o sledećoj opremi:</p> <ol style="list-style-type: none"> <li>1. Telehender-univerzalna mašina koja služi za čišćenje-izđubavanje farme, služi za utovar stočne hrane-silaže, za ubacivanje prostirke-slame u boksove za tov junadi, za utovar stajskog đubriva na prikolice za rasturanje stajnjaka po obradivim površinama.</li> <li>2. Prikolica za rasturanje stajskog đubriva po poljoprivrednom zemljištu.</li> <li>3. Presa-rolo baler za presanje slame i kukuruzovine koje služe kao prostirka kod tova junadi.</li> <li>4. Plug za obradu zemlje-zaoravanje stajnjaka koji razbacimo po poljoprivrednim površinama,</li> <li>5. Silomiks prikolica koja služi za miješanje i podjelu stočne hrane junadima u tovu.</li> </ol>	<p>Sva pomenuta oprema i mehanizacija u tačkama 1-3 su prihvatljive investicije i predmet su finansiranja od strane projekta EU4Business, ali tačka 4. Plug za obradu zemlje nije prihvatljiva investicija u skladu sa prilogom 5. Smjernica javnog poziva.</p>

<p><b>24</b></p>	<p>Interesuje me da li možemo, u projektu EU4Business, aplicirati za kupovinu junica, ili kupovinu materijala za proširenje objekta za smještaj muznih krava? Da li na računu moramo posjedovati 100% od ukupnog iznosa u slučaju odobrenja projekta i je li vi nama uplaćujete kada vam dostavimo račune ili prije kupovine?</p>	<p>Nabavka junica nije prihvatljiva investicija i ne može se prijaviti na javni poziv u skladu sa prilogom 5. Smjernica javnog poziva. Izgradnja ili proširenje objekata za smještaj stoke je prihvatljiva investicija. Nabavka građevinskog materijala je prihvatljiva investicija, ali sufinansiranje u obliku vlastitog rada ako planirate sami proširiti objekat je neprihvatljiva investicija u skladu sa tačkom 2.8.3. i time ne možete sufinansirati niti dobiti sredstva od projekta ukoliko je Vaša prijava odobrena. Ukoliko je Vaša prijava odobrena za finansiranje projekat omogućava dva načina isplate:</p> <p>1) avansno neposredno nakon potpisivanja ugovora, ali morate dostaviti bankovnu garanciju u iznosu traženih sredstava + PDV, ili</p> <p>2) retroaktivno nakon završetka investicija, a kad priložite svu potrebnu dokumentaciju za opravdanje troškova projekat će Vam doznačiti iznos bespovratnih sredstava.</p> <p>Pogledajte tačku 7. Način isplate sredstava i tačku 9. Izvještavanje i pravdanje troškova u Smjernicama javnog poziva.</p> <p>Ne morate imati 100% sredstva na računu u slučaju odobrenja projekta, ali morate definisati izvor sufinansiranja u roku od 30 dana od datuma potpisivanja ugovora. Za više detalja pogledajte Pismo namjere u prilogu 3. Smjernica javnog poziva.</p>
<p><b>25</b></p>	<p>Naša firma se bavi uslugom tova peradi za organizatora proizvodnje, u našem slučaju sa XXX (ime poznato UNDP). Posjedujemo 6 objekata na kompleksu poljoprivrednih objekata od kojih četiri objekta imaju upotrebne dozvole a dva objekta građevinske dozvole koji nisu uplanjeni, jer su građeni 2018. godine i kad se u potpunosti završe i sa vanjske strane (a pušteni su u proizvodnju) pokrenuće se postupak za dobijanje upotrebne dozvole i uplanjenja u katastarski registar. Planiramo da putem Vašeg javnog poziva između ostalog izgradimo dva pomoćna objekta (garaže za</p>	<p>Izgradnja objekata i pomoćnih objekata, kao i uređenje prostora su prihvatljive investicije. Ukoliko objekti i radovi koje planirate izvoditi zahtjevaju samo izdavanje lokacijske u skladu sa Zakonom o uređenju prostora i građenju "Sl. glasnik RS", br. 40/2013, 2/2015 - odluka US, 106/2015, 3/2016 - ispr. i 104/2018 - odluka US, možete se time prijaviti na javni poziv ukoliko ispunite ostale uslove definisane u Smjernicama javnog poziva. Nabavka građevinskog materijala u svrhu izgradnje je prihvatljiva investicija, s time da troškovi radova koje će obavljati vaša vlastita</p>

<p>mašine i mehanizaciju koja se koristi u proizvodnji dimenzije 22x10m i ostave 10x6m za čuvanje dezinfekcionih sredstava i opreme za dezinfekciju, dvije dezinfekcione barijere od AB dimenzija 6x3m i 4x3m, ograde oko farme dužine cca 500m visine 2m, hidrantsku mrežu na farmi). Također planiramo postavljanje izolacije 10cm na vanjskim fasadama objekata 5 i 6 površine oko 2200 m<sup>2</sup>, nabavka najsavremenijih kompjutera sa pratećom opremom za upravljanjem automatske opreme u četiri objekta, nabavku namjenske led rasvjete u pet objekata. Prema zakonodavstvu Republike Srpske i podzakonskih akata o građenju, te i dokumenata opštine Pelagićevo za pomoćne objekte koji služe glavnim objektima nisu potrebne građevinske dozvole nego samo izdani lokacijski uslovi od strane nadležnih organa. Pitanje glasi da li mogu konkurisati na javni poziv za gore pomenute objekte za lokacijske uslove i dopunu lokacijski uslova posjedujem. Također što se tiče ponuda nama su potrebni: građevinski materijal i oprema koju planiramo da ugradimo sopstvenim resursima. Da li prihvatate takve ponude koje sadrže sve elemente o robi koja se nabavlja (naziv dobavljača i kupca, datum, rok važenja ponude, garancija za robu, izjavu o tačnosti podataka, naziv, jedinica mjere, količina, cijena sa i bez PDV-a itd.) ili moraju bit sa svim elementima koje ste naveli u instrukcijama sa predmjerima i predračunima u vidu tenderskih ponuda koje važe za javne nabavke u BiH.</p>	<p>operativa, odnosno radnici nisu prihvatljivi i ne mogu biti predmet sufinansiranja u skladu sa tačkom 2.8.3. Smjernica javnog poziva.</p>
---	--

**Odgovori na postavljena pitanja u vezi javnog poziva koja su pristigla u periodu od 13. do 18. marta 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	<p>Preduzeće-doo bavi se između ostalog i tovom junadi. Da li možemo aplicirati za mehanizaciju koja je vezana za ovu proizvodnju a radi se o sledećoj opremi: 1) Telehender-univerzalna mašina koja služi za čišćenje-izđubavanje farme, služi za utovar stočne hrane-silaže, za ubacivanje prostirke-slame u boksove za tov junadi, za utovar stajskog đubriva na prikolice za rasturanje stajnjaka po obradivim površinama; 2) Prikolica za rasturanje stajskog đubriva po poljoprivrednom zemljišt; 3) Presa-rolo baler za presanje slame i kukuruzovine koje služe kao prostirka kod tova junadi; 4) Plug za obradu zemlje-zaoravanje stajnjaka koji razbacimo po poljoprivrednim površinama; 5) Silomiks prikolica koja služi za miješanje i podjelu stočne hrane junadima u tovu.</p>	<p>Sva pomenuta oprema i mehanizacija u tački 1) telehender ili teleskopski utovarivač za poljoprivrednu namjenu, 2) prikolica za rasturanje stajskog đubriva i 3) presa- rolo bajlar i 5) silomiks prikolica za mješanje i podjelu stočne hrane su prihvatljiva investicija i time se možete prijaviti na javni poziv ukoliko planirate investirati u iste. Međutim, tačka 4) plug za obradu zemlje nije prihvatljiva investicija u skladu sa prilogom 5. Smjernica javnog poziva.</p>
2	<p>U pripremi dokumentacije za ovaj poziv (Javni poziv za investicije za poljoprivredna gazdinstva), uvidjeli smo da je naznačeno da se sufinansiranje odnosi na "novu opremu".</p> <p>U našem slučaju radi se o jako skupom kombajnu čija je cijena (novog kombajna) nešto iznad 270,000 KM. Da li je u ovakvim slučajevima moguće aplicirati na polovnu mašinu?</p>	<p>Finansiranje projekta po smjernicama javnog poziva se odnosi isključivo na novu opremu. Investiranje u polovne mašine nije prihvatljiv trošak. Silažni kombajn (nov) je jedina vrsta kombajna koja spada u prihvatljive troškove investicije po ovom javnom pozivu.</p>
3	<p>1. S obzirom da projekt EU4Business ne sufinansira troškove bankovne garancije i PDV-a, da li podnositelj zahtjeva može predvidjeti te troškove kao svoje sufinansiranje (onih 40 %).</p> <p>2. U slučaju da podnositelj zahtjeva koristi instrument bankovne garancije, koliko će iznositi postotak avansne uplate s vaše strane?</p> <p>3. Opći kriteriji prihvatljivosti podnosilaca prijava: objekt koji je predmet investicije ili u koji će se instalirati planirana oprema, posjeduje važeću građevinsku dozvolu izdatu od nadležnih organa FBiH, RS, I BD BiH (dokaz dostavljena građevinska</p>	<p>1. Iznos finansiranja od projekta i sufinansiranje od korisnika se odnosi isključivo na prihvatljive troškove i investicije u skladu sa tačkom 2.8.2 i prilogom 5. Smjernica javnog poziva. U vašem slučaju troškovi bankovne garancije i PDV-a ne smiju biti pokriveni sredstvima finansiranja i sufinansiranja. Korisnik dodatno, pored prihvatljivih investicija i troškova, mora finansirati iz vlastitih sredstava troškove bankovne garancije i mora ih prikaziti u ukupnom budžetu prijavljenog projekta koji obuhvata i prihvatljive i neprihvatljive troškove i investicije. Što se tiče PDV-a, ukoliko je Vaš projekat odobren za dodjelu bespovratnih</p>

	<p>dozvola). Da li podnosilac zahtjeva može dostaviti potvrdu da je građevinska dozvola u procesu izrade?</p> <p>4. Podnosilac prijave je ostvario dobit u 2018. godini (dokaz: dostavljeni financijski izvještaji za 2018.godinu), Ako je d.o.o tek novoosnovan u desetom mjesecu 2018. i prethodne godine nije ostvario dobit, da ali je podoban kandidat?</p>	<p>sredstava, projekat će Vam doznačiti tražena sredstva i iznos PDV-a, na osnovu Vaše priložene fiskalne fakture.</p> <p>2. Podnosilac prijave ako odabere avansno plaćanje, mora dostaviti bankovu garanciju na ukupan iznos koji zahtjeva od projekta za finansiranje prijavljene investicije uključujući i PDV. Iznos koji će projekat EU4Business avansno prebaciti na vaš račun je 100% iznosa bankovne garancije.</p> <p>3. Ukoliko se prijava odnosi na izgradnju objekta podnosilac prijave mora priložiti važeću građevinsku dozvolu uz prijavu prilikom podnošenja prijave.</p> <p>4. Ako je d.o.o. novoosnovan, može se prijaviti na ovaj javni poziv.</p>
4	<p>Poštovani, čitam Vaš prijedlog za pomoć za bespovratna sredstva, ovom molbom želim Vas obavijestiti da ispunjavam sve potrebne uvjete propisane od Vaše agencije što se traži, jedino čekam građevinsku dozvolu koja je u procesu i ne mogu je imati sad, može li kasniti i koliko?</p>	<p>Građevinska dozvola se mora dostaviti uz prijavu do 27. marta 2019. godine do 17:00 sati, kako je navedeno u Smjernicama javnog poziva.</p>
5	<p>Nismo u mogućnosti da otvorimo i preuzmemo dokumentaciju potrebnu za javni poziv „Konkurentnost i inovacije: Lokalne razvojne strategije–EU4Business“, te vas molimo da nam istu prosljedite.</p>	<p>Smjernice za podnosioc prijave javnog poziva, kao i popratne obrasce možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>. Ukoliko imate poteškoća sa preuzimanjem, molimo vas da nam pošaljete informaciju o grešci pri preuzimanju, kako bi vam mogli pomoći.</p>
6	<p>Obzirom da namjeravamo aplicirati po Vašem javnom pozivu potrebno nam je dodatno pojašnjenje, a vezano za dostavu potrebne dokumentacije pod rednim brojem 9 je navedeno "najmanje jedna ponuda za svaku stavku predmetne investicije. Ponuda mora da sadrži sve elemente naznačene u prilogu 7. sadržaj ponude". Na linku na kojem je objavljen javni poziv prilozi su do broja 4 tako da nam nije jasno gdje se nalazi prilog broj 7 na koji trebamo odgovoriti.</p>	<p>Prilog 7 (sadržaj ponude) se nalazi na kraju dokumenta Smjernica javnog poziva.</p>

7	<p>S obzirom da smo zainteresovani za apliciranje na projekat KONKURENTNOST I INOVACIJE: LOKALNE RAZVOJNE STRATEGIJE EU4BUSINESS, prilikom iščitavanja smjernica za podnosiocima prijava u dijelu koji se odnosi na Opće kriterije koje dodatno moraju ispuniti ponosioci u stavci 1. (str. 7.) piše da godišnji prihod mora biti manji od 5 mil u KM u 2018.</p> <p>Naša kompanija ima značajno veći promet od navedenog, da li to znači da ne možemo učestvovati niti aplicirati po ovom projektu?</p>	<p>Ukoliko su Vaša firma i povezana lica imali prihod veći od 5 miliona KM u 2018. godini, ne možete se prijaviti na ovaj javni poziv.</p>
8	<p>Vlasnik sam jedne od najvećih plantaža maline u Bosni i Hercegovini (Donji Vakuf) na površini od 11 hektara. Zbog nedostatka radne snage berača neophodan mi je kombajn za berbu malina. S tim u vezi Vam se obraćam ovim upitom da u mom slučaju pokušate da napravite iznimku u dijelu nabavke polovne mehanizacije, a u ovom slučaju radi se o kombajnu za berbu maline marke Oxbo Korvan 930 koji košta 120,000 KM. Isti ovaj nov Kombajn košta 265,000 KM i nisam u mogućnosti da sufinansiram. Spreman sam da sufinansiram i da dam bankovne garancije i ostale uslove koji su traženi.</p>	<p>Polovna oprema i mehanizacija nije prihvatljiva investicija u skladu sa tačkom 2.8.3. Smjernica javnog poziva i time se ne možete prijaviti na javni poziv.</p>
9	<p>U razmatranju vašeg projekta naišli smo na par nejasnoća pa vas molimo da nam odgovorite na pitanja. Možemo li u pod-sektor proizvodnja mesa aplicirati na dio mehanizacije iz stavke 3.2.1 i na dio mehanizacije iz stavke 3.2.7 na jednoj prijavi na opremu koja bi nam trebala?</p>	<p>Možete se prijaviti na javni poziv na dio mehanizacije iz stavke 3.2.1. i 3.2.7. liste investicija za podsektor mesa. Ostala oprema mora biti u skladu prilogom 5 (podsektor mesa) i tačkom 2.8.2.</p>
10	<p>Vezano za javni poziv u okviru mjere podrške poljoprivrednim gazdinstvima i primarnoj poljoprivrednoj proizvodnji, imamo sljedeći upit: 1. Ukoliko firma koja se bavi proizvodnjom svježeg kravljeg mlijeka nabavlja novu opremu (hardver i softver), za praćenje životinja (zdravstvenog stanja, kretanja i zaštite). Ova oprema i softver bi pospješio kvalitet proizvodnje, zdravstveno stanje životinja i na kraju kvalitet svježeg kravljeg mlijeka. Možemo li aplicirati za ovaj dio?</p>	<p>Nabavka hardvera i softvera (za praćenje zdravstvenog stanja, ishrane, kretanje, količina mlijeka, itd.) je prihvatljiva investicija i nosi elemente inovacije u skladu sa ciljevima projekta, ukoliko ispunite i ostale kriterije i uslove možete se time prijaviti na javni poziv.</p>

11	Pitanje za obrazac poslovnog plana Prilog 2- da li se trebaju zadržati objašnjenja ispod svakog zaglavlja? Zauzimaju dosta prostora pa mislimo da bi bilo bolje ako ih možemo izbrisati.	U prilogu 2 (Obrazac poslovnog plana), u opisnom dijelu poslovnog plana potrebno je izbrisati objašnjenja i u Excelu treba izbrisati uputstva koja se nalaze ispod svake tabele.
12	Da li firma može aplicirati u jednom projektu za dvije različite vrste opreme, jedan stroj bi služio za sjetvu, a drugi za proces kalemljenja presadnica, naime oba će služiti u procesu proizvodnje presadnica.	Vaša prijava mora se odnositi isključivo na jedan prihvatljiv podsektor u skladu sa tačkom 2.3. Smjernica javnog poziva. Lista investicija mora se odnositi isključivo na taj odbrani podsektor za prijavu.
13	Pitanje se odnosi na Prilog 1 - Prijavni obrazac, tabela budžet projekta: prema tekstu, u tabeli se treba naći samo prihvatljivi dio troškova investicije. Da li se u ovu tabelu trebaju unijeti i neprihvatljivi troškovi, jer na ovaj način tabela ne predstavlja budžet svih troškova projekta već samo dijela koji se odnosi na prihvatljive troškove. Tabela - Lista planiranih investicija i troškova sadrži samo prihvatljivi dio investicije. Gdje se unosi podatak o neprihvatljivom dijelu investicije?	U listu prijavnog obrasca treba unijeti samo prihvatljive investicije i troškove, a u tabeli Izvor finansiranja i u tabeli Budžet, treba unijeti iznose prihvatljive i neprihvatljive investicije i ostale troškove. U poslovnom planu u tabeli Dinamika i struktura ulaganja i u tabeli Izvori finansiranja, u planu ulaganju treba unijeti listu svih prihvatljivih i neprihvatljivih investicija. U istoj tabeli u slučaju troškova kao što su PDV i carina treba prikazati vrijednost investicije uključujući i pomenute troškove.
14	Kooperant smo velike korporacije koja ima standarde kvaliteta i mi se nalazimo na njihovoj listi i dužni smo voditi svu dokumentaciju. S obzirom da ćemo aplicirati na ovaj poziv, da li će se ovo bodovati? Da li u standarde osim Global GAP-a i Organskog certifikata, može da uđe ISO i HACCP?	Standardi koji se mogu bodovati su isključivo oni koji se odnose na primarnu poljoprivrednu proizvodnju.

<p><b>15</b></p>	<p>Kao vlasnik firme XXX (ime poznato UNDP) zainteresovan sam za prijavu na vaš projekat bespovratnih sredstava za mjeru podrške poljoprivrednim gazdinstvima (primarna proizvodnja).</p> <p>O firmi XXX dajem sledeće podatke:</p> <ul style="list-style-type: none"> <li>- firma je osnovana krajem 2017-te godine, a počela je sa radom u 2018 godini (uzgoj bikova),</li> <li>- djelatnost uzgoja bikova se odvija na iznajmljenoj farmi koja se nalazi na području opštine Šamac,</li> <li>- trenutno na farmi imam 133 grla - goveda.</li> </ul> <p>U skladu sa listom prihvatljivih investicija, polje 2.2.7 nabavio bih traktor i silažni kombajn. Napominjem da obradu zemlje i pripremu hrane za uzgoj bikova radim na teritoriji opštine Brčko. Imajući u vidu gore navedeno pitam: da li bi moja prijava na javni poziv u kojoj bih aplicirao za nabavku traktora i silažnog kombajna bila prihvatljiva?</p>	<p>Ukoliko ispunjavate opće i posebne kriterije javnog poziva, te ukoliko postoji ekonomska opravdanost predložene investicije, možete se prijaviti na javni poziv sa investicijom koja uključuje nabavku silažnog kombajna, ali ne i traktora (traktor ne spada u prihvatljivu investiciju).</p>
<p><b>16</b></p>	<p>Da li u ukupne prihode pored prihoda koji su posljedica direktnog rezultata postojeće peradarske proizvodnje i usluga, te eventualnih rezultata proizvodnje i usluga nakon realizacije zamišljenog projekta EU4Business treba unijeti i ostale prihode koje ostvari privredno društvo posredstvom bavljenja i drugim djelatnosti npr. (trgovinom) u Prilog 2 Poslovni plan i Prilog 2.a pod tačkama 3.2. Struktura i obim proizvodnje, 8.1. Plan prodaje, 8.2. Ukupni prihodi, 8.6. Bilans uspjeha, 8.7. Novčani tok.</p> <p>Koji datum treba unijeti pod navodima „DATUM PODNOŠENJA ZAHTJEVA ZA ISPLATU i DATUM DOBIJANJA EU4BUSINESS PODRŠKE pod tačkom 8.4.2.</p> <p>Da li postojeći kredit koji je bio predmet investicije iz ranijih godina treba unositi u projekcije i u tabelu pod tačkom 8.5.2.</p>	<p>Podnosilac prijave treba prikazivati samo prihode i rashode iz proizvodnja pod kojim su registrirani u registar gazdinstva. Trgovina i ostale djelatnosti van primarne proizvodnje koji nisu u registru gazdinstva se ne trebaju prikazivati.</p> <p>Datum podnošnje zahtijeva za uplatu koji treba unijeti u poslovni plan mora biti u skladu sa tačkom 5. obavjesti o rezultatima poziva. Ako je potpisivanje ugovora predviđeno da bude od 01.05.2019 znači da datum podnošenja zahtjeva za plaćanje ukoliko odaberete avansno plaćanje na osnovu priložene bankovne grancije će biti kraj maja ili početak juna, a u tom slučaju datum dobivanja EU podrške će biti polovicom juna 2019. Ukoliko odaberete retroaktivno plaćanje nakon završetka realizacije investicije, datum dobivanja EU podrške će biti nakon završetka investicije. Postojeći kredit iz ranijih godina treba prikazati u pomenotoj tabeli pod tačkom 8.5.2.</p>
<p><b>17</b></p>	<p>Planira se izgradnja objekta za tov junadi.</p> <p>1. Da li je moguće imati 3 ponude za različite poslove na izgradnji (jedna ponuda za zemljane radove, druga ponuda za vanjske radove na</p>	<p>1. Možete imati različite ponude za pomenute poslove, s time da trebate paziti na rokove realizacije projekta koji je predmet prijave.</p>

	<p>objektu i treća ponuda za unutrašnje radove) od 3 različite firme, ili mora jedna firma da uradi sve potrebne radove na objektu?</p> <p>2. Da li izgradnju mora obaviti isključivo firma od koje smo dobili ponudu ili to može da izvrši i neka druga firma, ali u istoj vrijednosti izgradnje koja je navedena u dobijenoj ponudi?</p>	<p>2. Radove može da izvodi druga firma koja nije inicijalno dala ponudu, jer ukoliko Vaš projekat bude odabran za finansiranje, svakako morate tražiti dodatne dvije ponude kako bi ispunili EU pravila za nabavku robe i izvršenje radova.</p>
<p><b>18</b></p>	<p>Interesuje me, da li mogu u ovome javnom pozivu aplicirati na nabavku 10 visokosteonih junica? Ako ne mogu junice, da li za nabavku materijala za proširenje objekta za smještaj muznih krava (stala) moram imati građevinsku dozvolu? Da li na računu moram imati 40% od iznosa projekta za koji apliciram, ili ja moram sve financirati pa mi po završetku projekta vi uplacujete?</p>	<p>Nabavka stoke je neprihvatljiv trošak i nije predmet finansiranja od strane projekta EU4Business. Samo finansiranje stavki iz liste prihvatljivih troškova i investicija spomenutih u tački 2.8.2. i u prilogu 5 ovog javnog poziva se mogu financirati putem ovog javnog poziva. Dozvoljena je nabavka novog materijala za proširenje objekta za smještaj muznih krava, te isti objekat koji je predmet investicije mora posjedovati važeću građevinsku dozvolu. Što se tiče finansiranja projekta, podnosilac prijave mora osigurati vlasitito sufinansiranje u iznosu od minimalno 40% ukupnog iznosa predložene investicije (40% sufinansiranje i 60 % sufinansiranje kroz mjeru podrške). Ukoliko je vaša prijava odobrena za finansiranje, projekat vam nudi dva načina isplate: 1) avansno neposredno nakon potpisivanja ugovora, ali morate dostaviti bakovnu garanciju u iznosu tražena sredstva + PDV, ili 2) retroaktivna isplata nakon završetka investicije, kada je potrebno priložiti svu potrebnu dokumentaciju za opravdanje troškova.</p>
<p><b>19</b></p>	<p>Pitanje se odnosi na:</p> <p>1. Da li se svaki prilog treba potpisati i staviti pečat podnosioca prijave?</p> <p>2. Prilog 2- Poslovni plan - Da li na prvu stranu staviti ime podnosioca prijave kao i na prilogu br. 4?</p> <p>3. Pitanje - Smjernice za podnosiocce prijave tačka 3.2 stoji da se popunjeni obrasci poslovni plan i prateća dokumentacija treba uvezati sa numerisanim stranicama. Nejasno je šta to znači.</p>	<p>1. U priložima javnog poziva je jasno naglašeno gdje je potrebno staviti potpis i pečat podnosioca prijave (provjeriti svaki prilog posebno i postupiti u skladu sa uputama iz istih). Nije potrebno potpisivati i stavljati pečat na svaki prilog.</p> <p>2. Da. Na svakom obrascu gdje se traže opći podaci podnosioca prijave je potrebno staviti ime podnosioca prijave.</p> <p>3. Stranice svakog pojedinačnog priloga je potrebno numerisati (npr. prilog 2: str. 1-17). Ne</p>

	Da li svaki pojedinačni dokument treba numerisati stranice ili da se na svim dokumentima u kontinuitetu obiljeze stranice od 1/x do x/x?	misli se na numerisanje svih dokumenata u kontinuitetu. Uvezivanje dokumenata spiralom ili slično se odnosi na papirnu kopiju prijave.
<b>20</b>	Zainteresovana sam za učešće u projektu EU4Business (podrška poljoprivrednim gazdinstvima) u sferi razvoja voćarstva (jezgrasto voće). Živim u Šamcu, imam 73. godine, registrovano poljoprivredno gazdinstvo koje se pored uzgoja žitarica bavi i uzgojem oraha. Živim sa kćerkom i dva unuka i želim da da pređem sa proizvodnje žitarica na uzgoj oraha. Želja mi je da životnu ušteđevinu i eventualnu Vašu finansijsku podršku uložim u nabavku mehanizacije, opreme, dodatnog sadnog materijala i sistema za navodnjavanje kako bi intenzivno obrađivala postojeće zasade od 3 hektra i da proširim zasade na još 3 do 4, pa i više hektara kalemljenim orasima. Sve to teško mogu isfinansirati iz vlastitih izvora, a želja mi je da odgojim zasade i ostavim dvojici unuka koji sada imaju 14 i 11 godina. Interesuje me kakve su šanse da dobijem vašu podršku, a ja sam spremna uložiti 40 do 45 posto investicija, a poznato je da intenzivan uzgoj ove vrste voća na površini od 7 hektara traži znatna finansijska ulaganja.	Podizanje zasada oraha (nabavka sadnica i priprema zemljišta) nije prihvatljiva investicija. Mehanizacija je prihvatljiva investicija, ali mora biti u skladu sa listom prihvatljivih investicija. Sistem za navodnjavanje je prihvatljiva investicija u skladu sa prilogom 5 Smjernica javnog poziva. S tim u vezi, možete se prijaviti na javni poziv ukoliko ispunite ostale opće i posebne kriterije i ukoliko je Vaša predložena investicija ekonomski opravdana i potiče isključivo iz liste prihvatljivih investicija u prilogu 5 ili tački 2.8.2. Smjernica javnog poziva.
<b>21</b>	U prilogu vam dostavljam ponudu za nabavku dvije mašine koje bi bile predmetom prijave na javni poziv potencijalnog investitora, pa vas ljubazno molim da pogledate i odgovorite da li su ove dvije mašine prihvatljiva investicija jer bi se obje mašine koristile u svrhu sakupljanja i utovara stajnjaka prilikom čišćenja farmi nakon završetka turnusa tova pilića kao i za utovar utovljenih pilića na farmi.	Iz Vaše priložene ponude ne možemo vidjeti detaljne tehničke specifikacije koje uključuju namjenu pomenutih mašina u ponudi. Namjenski tejhenderi ili teleskopski utovarivači za poljoprivrednu namjenu, kao što su stočarstvo (hranidba, rasprostiranje stelje, čišćenje stajskog gnojiva, utovar i istovar žitarica, gnojiva i drugog rasutog tereta su prihvatljiva investicija). Obzirom da je iznos Vaše ponude veći od konkurentskog praga od 100,000 eura bez PDV, nabavljena roba se mora nabaviti iz liste prihvatljivih zemalja u skladu sa prilogom 6 smjernica javnog poziva.
<b>22</b>	Poštovani, u apliciranju u podsektoru proizvodnje mlijeka šaljem ponudu za nabavku opreme, da li ovako treba da stoji u ponudi izražen pdv račun iz firme u Hrvatskoj?	Priložen primjer ponude ne ispunjava traženu formu ponude. Ponuda mora biti u skladu sa prilogom 7 smjernica javnog poziva. Ponuda treba da sadrži: <ul style="list-style-type: none"> <li>• naziv, sjedište i matični broj dobavljača;</li> </ul>

		<ul style="list-style-type: none"> <li>• naziv, sjedište i matični broj podnosioca zahtjeva, ako je podnosilac zahtjeva privredno društvo, zemljoradnička zadruga i preduzetnik, odnosno ime, prezime, prebivalište i matični broj ako je podnosilac zahtjeva fizičko lice;</li> <li>• tehničko - tehnološke karakteristike za robu, radove i usluge koji čine predmet investicije, odnosno predmjer i predračun radova za izgradnju, pri čemu svaka stavka u ponudi mora da sadrži: jedinicu mjere, količinu, jediničnu cijenu i ukupnu cijenu stavke, kao i ukupnu cijenu ponude uključujući posebno iskazanu neto cijenu i iznos PDV-a izražene u KM, odnosno u eurima za strane dobavljače, kao i da sadrži podatke o osnovnom modelu i dodatnoj opremi;</li> <li>• rok važenja ponude;</li> <li>• broj, datum i mjesto izdavanja ponude;</li> <li>• ovjeru dobavljača;</li> <li>• rok isporuke robe ili radova;</li> <li>• izjavu dobavljača pod punom materijalnom i krivičnom odgovornošću o tačnosti ponude.</li> </ul>
<b>23</b>	Poštovani, interesuje me da li postoji mogućnost finansiranja projekata čiji je budžet manji od 97,000 KM u okviru EU4Buisness javnog poziva?	Iznos finansiranja iz projekta putem ovog javnog poziva ne smije biti manji od 97,000 KM u skladu sa tačkom 2.6 javnog poziva.
<b>24</b>	Imamo pitanje vezano za trenutno aktuelni poziv EU4Business projekta, odnosno da li smo podobni da apliciramo. Bavimo se proizvodnjom konzumnih jaja, odgojom 18-nedeljnih koka nosilja, proizvodnjom stočne hrane, posjedujemo registrovano poljoprivredno gazdinstvo, ali nemamo u vlasništvu minimum 30 ha zemljišta, a planiramo da u narednom periodu investiramo u nabavku sušare za žitarice u vrijednosti od 350,000 KM. S obzirom na to da djelujemo i poslujemo u Semberiji, žitnici, planiramo da ugovaramo, otkupljujemo žitarice domaćeg porijekla, s obzirom na to da trenutno sve sirovine uvozimo. Pitanje glasi da li možemo aplicirati na ovom projektu sa prijedlogom nabavke sušare za žitarice iako ne posjedujemo u vlasništvu 30 ha zemljišta?	Podsektor proizvodnje jaja je neprihvatljiv podsektor u skladu sa tačkom 2.3. Smjernica javnog poziva, te se stoga, ne možete prijaviti na javni poziv. Da biste se prijavili na ovaj javni poziv sa investicijom vezanom za podsektor žitarica, potrebno je da ste proizvođač koji posjeduje minimalno 30 ha zemljišta.
<b>25</b>	Aplikant želi novčana sredstva da iskoristi za izgradnju hale, uvođenja opreme za pakovanje i hladnjače. Aplikant se bavi uzgojem voća, koje izvozi u zemlje EU. Čitala sam u javnom pozivu da	Investiranje u hladnjaču za skladištenje i hlađenje svježeg voća i povrća je prihvatljivo (uključujući ULO hladnjače i prateću opremu koju ste pomenuli, ali isključivo za svježe voće).

	<p>potpune hladnjače nisu predmet finansiranja, ali ovdje pored njih ima mašina za pakovanje i izgradnja zgrade koja treba da zadovoljava higijenske uslove, jer je u pitanju izvoz voća u EU.</p>	<p>Ukoliko se vaša investicija odnosi na smrzavanje voća, ta investicija nije prihvatljiva po ovom javnom pozivu (uključujući i prateću opremu za pakovanje i sl). Preporučujemo da pratite naredni javni poziv koji će biti objavljen u sklopu EU4Business projekta, a koji će biti usmjeren na investicije za preradu.</p>
--	--	--

**Odgovori na postavljena pitanja u vezi javnog poziva koja su pristigla u periodu od 19. do 20. marta 2019. godine na email adresu [registry.ba@undp.org](mailto:registry.ba@undp.org).**

Redni broj	Pitanje	Odgovor
1	<p>Ovim putem Vam se obraćamo ispred firme xx doo sa molbom za pojašnjenje par stavki Projekta EU4Business – Javni poziv potencijalnim korisnicima bespovratnih sredstava u okviru mjere podrške poljoprivrednim gazdinstvima. Pregledali smo smjernice za prijave, pa imamo par nedoumica, pitanja te Vas molimo za Vaše upute i odgovor.</p> <ul style="list-style-type: none"> <li>- Na par mjesta spominje se proizvodnja hrane, dok u odijelu opisa mogućih prijava navedeno je da isključivo primarna proizvodnja može učestvovati na ovom pozivu. Nas zanima da li mi kao prerađivači mesa, xx možemo učestvovati u ovom projektu?</li> <li>- U stavci 2.7.1. Opći kriteriji koje moraju ispunjavati obrtnici, preduzeća, zadruge piše da moraju imati ostvaren manji prihod od 5 miliona maraka u 2018 godini, kako smo shvatili to bi značilo da ona preduzeća koja imaju veći prihod ne mogu sudjelovati u ovom projektu?</li> <li>- Također, u stavci 2.7.1. je navedeno da podnosilac prijave mora biti nosioc poljoprivrednog gazdinstva, te da posjeduje Rješenje? Prema ovome mi bi shvatili da ne spadamo pod grupu potencijalnih prijavljenih preduzeća. Rješenje koje posjedujemo je ono izdato od strane Federalnog ministarstva poljoprivrede, vodoprivrede i šumarstva sa vet kontrolnim brojem.</li> </ul>	<p>Javni poziv se odnosi isključivo na mjeru podrške poljoprivrednim gazdinstvima (primarna proizvodnja). Preduzeća koja se bave preradom se ne mogu prijaviti na ovaj javni poziv. Javni poziv za mjeru podrške preradi i marketingu u sklopu EU4Business projekta će se objaviti sredinom 2019. godine.</p>

2	Da li proizvođači konzumnih jaja mogu aplicirati za grant sredstva?	Proizvođači konzumnih jaja se ne mogu prijaviti na ovaj javni poziv.
3	<p>U Smjernicama za korisnike sredstava za mjeru podrške poljoprivrednim gazdinstvima navedeno je da će se prilikom evaluacije poslovnog plana (ekonomska opravdanost investicionog prijedloga) voditi računa o indikatorima uspjeha, a između ostalog o periodu povrata investicije koji prema Smjernicama ne bi trebao da prelazi 5 godina.</p> <p>Naime, vrijednost investicije u našem poslovnom planu je znatno veća od prosječne godišnje neto dobiti gazdinstva. Budući da se radi o izgradnji objekta hladnjače kapaciteta 100 tona, investicija iziskuje znatna novčana sredstva, a samim tim i duži period povrata.</p> <p>Na osnovu prve analize poslovnog prijedloga i projektovanih cijena izgradnje objekta hladnjače period povrata u našem slučaju bi iznosio oko 10 godina. Nadamo se da će se kroz smanjene cijene izgradnje (nakon dobijanja zvanične Ponude od strane potencijalnog izvođača) period povrata znatno smanjiti. U vezi s tim, zanima nas da li ćete uzeti u razmatranje Poslovne prijedloge kod kojih je vrijeme povrata iznad 5 godina?</p>	Period povrata investicije mora biti manji od 5 godina, ali se računa od datuma završetka investicije u skladu sa uputstvom u poslovnom planu.
4	Lijep pozdrav, želim da podnesem prijavu za javni poziv za poljoprivredu. Možete li mi reći kako da podnesem prijavu jer ne mogu da otvorim obrasce za popunjavanje?	Pročitajte Smjernice javnog poziva kako bi se upoznali sa uslovima, kriterijima i ostalim aspektima javnog poziva. Smjernice za podnosiocce prijave javnog poziva možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a> .
5	<p>Zovem se XXX (ime poznato UNDP), rođen sam 1996 g. u Gradačcu. Završio sam poljoprivredno tehničku školu. Bavim se poljoprivrednom proizvodnjom, uzgojem stoke, uljarica i žitarica. Imam ugovor o najmu farme i zemljišta od oca, gdje postoji građevinska dozvola za izgradnju farme i napretka od oko 100 hektara za uzgoj uljarica i žitarica. Zanima me mogu li aplicirati za silose i sušaru za žitarice i uljarice?</p> <p>Može li se sa tom dozvolom graditi silosi za žitarice i uljarice, ili moram praviti novu dozvolu za tu namjenu? Lijep pozdrav.</p>	Možete se prijaviti ukoliko ispunite posebne kriterije vezane za uljarice i žitarice u skladu sa tačkom 2.7.2. javnog poziva, što podrazumijeva da morate imati prijavljeno gazdinstvo u registar gazdinstva za koje ste vi nosilac gazdinstva, od minimalno 30 do maksimalno 100 ha, te ukoliko ispunite ostale uslove javnog poziva. Građevinska dozvola za izgradnju farme ne važi za izgradnju silosa.

<p>6</p>	<p>Bavimo se otkupom mlijeka, a trenutno sarađujemo sa mljekarom XXX (ime poznato UNDP). Saradnja je na zavidnom nivou. Prošle godine smo otkupili preko 600 000 litara mlijeka, što je vrlo dobro za naš kraj.</p> <p>Obraćali smo se za podsticaje, ali nismo naišli na bilo kakav vid razumjevanja! Molimo Vas, ukoliko je to moguće, pomozite nam da ostvarimo ciljeve a koji su u interesu, ne samo pojedinaca, nego i šire društvene mase!</p> <p>Ukoliko nam možete pomoći, molimo Vas, obavjestite nas, šta sve treba da priložimo, koju dokumentaciju i slično!</p>	<p>Javni poziv se odnosi na podršku poljoprivrednim gazdinstvima na koji se mogu prijaviti i zadruge koje su upisane u registar gazdinstava i koje se aktivno bave poljoprivrednom proizvodnjom. Ukoliko ispunite ostale kriterije i uslove definisane smjernicama javnog poziva, možete se prijaviti. Pročitajte Smjernice javnog poziva kako bi se upoznali sa uslovima, kriterijima i ostalim aspektima javnog poziva. Smjernice za podnosiocce prijave javnog poziva možete naći na web stranici UNDP <a href="http://www.ba.undp.org/">http://www.ba.undp.org/</a> i na stranici projekta <a href="https://eu4business.ba/">https://eu4business.ba/</a>.</p> <p>Ukoliko ne ispunite sve tražene uslove, preporučujemo da pratite javni poziv koji se odnosi na mala gazdinstva, a na koji se možete prijaviti u partnerstvu sa lokalnom upravom i lokalnom akcionom grupom. Pomenuti javni poziv se planira objaviti u oktobru ili novembru, 2019.</p>
<p>7</p>	<p>Imamo nekoliko pitanje u vezi ovog javnog poziva:</p> <p>1. Da li na USB-u dostavljamo samo obrasce projekta preuzete sa vaše web stranice (Prilog 1, Prilog 2, Prilog 2a, Prilog 3 i Prilog 4) ili sve dokumente koje aplikant šalje (prateća dokumentacija) treba skenirati i snimiti na USB?</p> <p>2. U Prilogu 2 pod 8.5.2. naveli ste da je PDV neprihvatljiv trošak, i prema tome bi trebalo da troškove PDV-a snosi aplikant/investitor, dok ste u pitanjima na vašoj web stranici naveli kao odgovor: "U slučaju ako ste odabrani za dodjelu bespovratnih sredstva, projekat poslije potpisivanje ugovora će Vam doznačiti tražena sredstva sa PDV-om na osnovu fakture koju ćete dostaviti i bankovne garancije u traženom iznosu sa PDV-om kako je zahtjevano u Smjernicama javnog poziva u tački 2.6. Kad budete vršili nabavke, morate prikazati i plaćati iznos koji uključuje PDV." Možete li pojasniti na koji način se trošak PDV-a prikazuje i tko ga plaća?</p> <p>3. Da li je nužno da Izjava dobavljača, koju aplikant dostavlja uz važeće ponude mora biti zaseban dokument ili je dovoljno da na ponudi dobavljač navede da "pod punom materijalnom i krivičnom odgovornošću stoji iza tačnosti date ponude"?</p>	<p>1. Kompletnu projektnu dokumentaciju potrebno je dostaviti u elektronskoj formi na USB memorijskoj kartici.</p> <p>2. PDV je neprihvatljiv trošak u skladu sa smjernicama javnog poziva. Projekat EU4Business će uplatiti traženi iznos + PDV. Naravno prilikom nabavke opreme i ostalih stavki investicije koje su predmet prijave, vi ćete morati platiti PDV. Obzirom da se radi o investiciji, vi imate pravo na povrat PDV-a ukoliko ste u sistemu PDV-a. Potrebno je prikazati PDV u tabeli '8.4 Struktura i dinamika ulaganja' gdje se traži da se unesu prihvatljivi i neprihvatljivi troškovi investicije.</p> <p>3. Izjava dobavljača mora biti sastavni dio ponude, a ne poseban dokument (kako je traženo i opisano u prilogu 7. Javnog poziva (sadržaj ponude).</p>

<p>8</p>	<p>1. Za proračun novčanog toka nije navedeno uputstvo kako se računaju pojedine kategorije iz tabele kao što je: Prilivi? Ostatak vrijednosti projekta? Kumulativni neto priliv? Odlivi?</p> <p>2. Za ekonomsku ocjenu projekta nije navedeno šta je, odnosno na što se odnosi i kako se dobijaju: Umanjenik? Brojilac? Umanjilac? Imenilac? Rezultat?</p> <p>3. Da li u tabeli ukupnog prihoda tačka 3. Podrška se odnosi i na iznos EU4Business podrške?</p> <p>4. Da li u tabeli izvori finansiranja u vlastitim sredstvima navodimo projektovani iznos EU4Business podrške?</p>	<p>Za proračun novčanog toka navedene stavke se dobivaju na sljedeći način:</p> <p>1 prilivi:</p> <p>1.1. Ukupni prihodi bez EU4Business podrške se dobiju iz table 8.2 Ukupni prihodi sumirajući prihode od prodaje i podsticaje.</p> <p>2. Izvori finansiranja se dobiju iz tabele 8.5 Izvori finansiranja i to 2.1 vlastita sredstva i 2.1 kredit ukoliko je podignut kredit za finansiranje investicije.</p> <p>3. ostatak vrijednosti projekta ili ostala neamortizovana imovina se dobije iz table 8.3 Obračun amortizacije = ukupna vrijednost stalne imovine - (amortizacija za 1 godinu + amortizacija za 2 +...amortizacija za 5 godinu). Kumulativni neto prilivi se računaju na sljedeći način: VI neto priliv = III Neto priliv za 2019, za 2020. VI Kumulativni neto priliv= VI kumulativni neto priliv za 2019 + III neto priliv 2020, pa zatim za 2021 VI kumulativni neto priliv = Kumulativni neto priliv za 2020 + III neto priliv za 2021 i tako dalje Odlivi: 5 ulaganje u stalnu imovinu = osnovna sredstva iz tabele struktura i dinamika ulaganja, 5. ulaganje u 6. obrtnu imovinu = obrtna imovina iz table struktura i dinamika ulaganja, 7. materijalni i nematerijalni troškovi se dobiju iz table 3.4 materijalni i nematerijalni troškovi, 8. troškovi osoblja dobiju se iz table 4.4 projekcija zaposlenih, 9. porez na dobit dobiva se iz tabele 8.6 bilans uspjeha i 10 anuitet kredita dobije se iz table 8.5.3. Obračun kreditnih obaveza. 4.1 EU4Business podrška se dobije iz table 8.4 EU4Business podrške ili iz tabele 8.2 Ukupni prihod EU4Business podrške odnosno iznos koji tražite od projekta bez PDV. Ukupna dobit, ukupni rashod, bruto dobit i neto dobit se dobivaju iz bilans uspjeha na osnovu reprezentativne godine. Kriterij za izbor reprezentativne godine je godina potpune iskorištenosti poslovnog kapaciteta investicije tokom trajanja projekta. Vrijednost investicije se dobiva iz tabele dinamike i strukture ulaganja. Vlastita sredstva u tabeli izvori finansiranja se odnose na iznos vlastitih sredstava kojim</p>
----------	--	--

		<p>planirate financirati investiciju. Vlastita sredstva mogu biti u visini ukupnog iznosa planirane investicije ukoliko odlučite da sve stavke iz investicije financirate iz vlastitih sredstva i retroaktivno tražite isplatu od EU4Business projekta, nakon završetka investicije.</p>
--	--	--